

Ilanngussaq 10

Ineqarnermut Attaveqaqatigiinnermullu Naalakkersuisoq

16-10-2018

Suliap normua: 2017 - 19962

Oqaluuserisassani imm.: _____

Naalakkersuisut isummernissaannut tunngavissiaq

**Narsarsuarmi Mittarfiup siunissaa pillugu periarfissatut ilusilianut
nalunaarusiaq**

Inassuteqaat

Naalakkersuisunut inassutigineqarpooq,

- Narsarsuarmi Mittarfimmuit periarfissatut ilusiliat pingasut pillugit nalunaarusiaq ilanngunneqartoq Naalakkersuisut tusaatissatut tigussagaat.
- Isummernissamut tunngavissiaq manna, ilanngussat ilanngullugit, Inatsisartut Sanaartornermut Ataatsimiitaliaanut aamma Aningaasaqarnermut Akileraartarnermullu Ataatsimiitaliaanut ilisimatitsissutitut nassiunneqarnissaa, Naalakkersuisut akuerissagaat.

Aallaqqaasiut

Politikerit isumasioqatigiinnerat Narsarsuarmi ulluni 5. aamma 6. februaari 2018 ingerlanneqartoq tunngavigalugu, Kommune Kujalleq suleqatigiissitaliamik pilersitsivoq. Mittarfiit nutaamik ilusilerneqassappata suleqatigiissitaliap Narsarsuup siunissaa misissussavaat. Suleqatigiissitaliamut isumassarsiorfissatut Ineqarnermut Attaveqaqatigiinnermullu Naalakkersuisoqarfiup nalunaarusiaq "Narsarsuarmi mittarfiup siunissaa pillugu periarfissatut ilusiliat pingasut" Rambøll-imut suliaritippaa.

Tunngaviusoq

Nuummi aamma Ilulissani imarpik qulaallugu timmisartunut mittarfiit nutaat sananeqassappata, aammalu Qaqortumi nunap immikkoortuani nutaamik mittarfiliortoqassappat, Narsarsuup siunissami timmisartuussivigineqartarnissaanut aammalu Kujataanut, Kujataanit aammalu Kujataata iluani timmisartuusseriaatsimut pingaaruteqartorujussuusussaapput.

Narsarsuaq Kujataani timmisartuusseriaatsimut pingaernertut mittarfiunermi saniatigut Kommune Kujallermi nunaqarfivoq 126-it missaannik inoqartoq, pingaartumik angallannerup takornariartitsarnerullu iluanni inuussutissarsiornermut suliffissaqtitsinikkullu periarfisanut tunngatillugu mittarfimmik pinngitsuuvisinnaanngitsut. Narsarsuarmi Mittarfik nunap immikkoortuani angallannermut tunngatillugu annikillisineqassappat, nunaqarfimmi suliffissaqtitsinermi periarfissat annertuumik annikillisussaapput.

Qaqortumi timmisartunut suluusalinnut nutaamik mittarfiliortoqassappat, Narsarsuarmut tassanngaanniillu akitsorsaataasartumik mittarfimmit annerusumit minnerusumut timmisartuussisoqaqqaarani, ilaasut sapinngisamik amerlanerpaat toqqaannartumik Qaqortumi aallarfissaminnekartarnissaat imaluunniit tikiffissaminnekartarnissaat tamatumani periarfissinneqassaaq. Tassunga ilanngutissaaq Kujataani ornigassanut allanut taakkunangaaaniillu mittarfimmit annerusumit minnerusumut timmisartuussinerit ataatsimut isigalugu sivikinnerulertertussaanerat aammalu akikinnerulernissaasa naatsorsuutigineqarnerat. Tamatumunnga pissutaavoq Qaqortup Narsarsuarmut sanilliillugu Kujataani angallasseriaatsimi qiterpasinnerusumi inisisimanera.

Oqaatigineqassaaq Narsarsuarmi angallannermi sullissinerup arlaannik iluseqartumik ingerlaannarnissaa tunngavissaritinneqarmat, tassami Kujataani mittarfittut akunniffiusartutut ingerlatat pingaernerit Qaqortumut nuunneqaraluarpataluunniit, Narsarsuup nunaqarfittut attatsiinnarneqarnissaa kissaatigineqartoq politikkikkut oqariartuutigineqarpoq.

Narsarsuarmi aamma Kujataani siunissami angallanneq:

Qaqortumi nutaamik mittarfiliortoqassappat, Narsarsuup aamma Qaqortup akornanni mittarfimmit annerusumit minnerusumut angallattoqarunnaartussaavoq, tassami Nuummut taakkunangaaaniillu nunap iluani ilaasut aamma Islandimut ilaasut, Qaqortumut Qaqortumiillu toqqaannartumik timmisartuunneqartalertussaammata. Taamaalilluni Kujataani angallannermerik suliaqartut affai angullugit ikilisussaapput. Kujataani angallattunit naatsorsuutigineqarpoq, Qaqortumi nutaamik mittarfiliortoqassappat, Narsarsuarmut tassanngaanniillu ilaasut ukiumut 3.000-t missaannaanniilissasut.

Kujataani ornigassat anginersaasa tullii tassaapput Nanortalik aamma Narsaq, Kujataani maannakkut qulimiguulimmik angallannermi 43 procentinik pissarsiviusartut.

Taamaalilluni angallanneq eqqarsaatigalugu Kujataani akunniffiusartoq Narsarsuarmiit Qaqortumut nuutinnerani ilaasunut annertuumik iluaqtissartaqarpoq, tassami ilaasut affaasa mittarfimmit annermit minnerusumut timmisartornissaat ataatsimik annikillisussaavoq, aammalu Kujataani ornigassanut allanut Narsarsuarmukaqqaaratik Qaqortumi akunniffissamut nutaamut sivikinnerusumik timmisartortalissallutik.

Periarfissatut ilusiliat pingasut taakkua nassuiarneqarnerat:

Periarfissatut ilusiliaq 1:	Periarfissatut ilusiliaq 2:	Periarfissatut ilusiliaq 3:
Narsarsuaq Kujataani nunap immikkoortuan angallannermut mittarfittut akunniffissatut atorunnaarsinnejqassaaq, Qaqortumi Mittarfimmut nutaamut nuutinnejqassalluni. Mittarfimmi maannakkut atortorissaarutit sanaartukkallu tamarmik atatiinnarnejqassapput, taamaattoq akunnittarfiunngitsoq. Sulisut amerlassusaat angallannerup annertussusaanut annikillisumut naleq-qussarnejqassapput.	Narsarsuaq mittarfiup takissusaa aammalu atortorissaarutit annikillisillugit Qaqortup aamma Narsarsuup akornanni najukkami angallannermut atatiinnarnejqassaaq. Sulisut annertuumik ikilisineqassapput.	Narsarsuaq Qaqortumi mittarfimmit nutaamit timmisartuussinissamut qulimiguulinnut mittarfingorlugu annikillisineqassaaq. Sulisut annertuumik ikilisineqassapput.
Mittarfik 1830 X 45 meteri.	Mittarfik 799 x 30 meteri mittarfiup pioreersup iluani pilersinneqassaaq.	Qulimiguulinnut mittarfik 30 meterinik diametereqartoq mittarfiup nunataata pioreersup iluani pilersinneqassaaq.

*I periarfissatut ilusiliaq 0-mi Qaqortumi mittarfiliortoqassanngilaq.

Sanaartornermut aningaasartuutit takussutissiami matumani eqikkarneqarput:

Periarfissatut ilusiliaq 1:	Periarfissatut ilusiliaq 2:	Periarfissatut ilusiliaq 3:
1.830 m	799 m	Qulimiguulinnut mittarfik
114	58	17

Takussutissiaq: Periarfissatut ilusiliiani pingasuni taakkunani aningaasaliinissamik pisariaqartitsinerit imminnut sanilliunneqarnerat (mio. koruuni)

Najoqqutarisaq: Mittarfeqarfiiit, 2018.

Narsarsuarmi innuttaasut amerlassusaat aamma Mittarfeqarfinni sulisut:

Ullumikkut Narsarsuaq 126-nik inoqarpoq, taakkunannga 60-it missaat Mittarfeqarfinni sulisuupput. Periarfissatut ilusiliiani matuma siuliani allassimasuni taaneqartutut ingerlatat annikillisineqassappata, Mittarfeqarfiiit malillugu, periarfissatut ilusiliiani ilusiliineq

apeqqutaalluni, sulisut 10-it aamma 30-it akornanniittut ilaannikkut Narsarsuarmut/Narsarsuarmit assartorneqarnissamik pisariaqartitsisartussaapput. Tassunga ilanngutissaaq aasaanerani takornariat arlallit Narsarsuup eqqaani takusassarsiornissamik kissaateqartut.

Periarfissatut ilusiliaq/Mittarfiup takissusaa	Innuttaasut	Taakkunangna MIT-imisulisut
Periarfissatut ilusiliaq 0	126	60 (L24 H26 F10)
Periarfissatut ilusiliaq 1	58	28 (L18 H0 F10)
Periarfissatut ilusiliaq 2	42	20 (L10 H0 F10)
Periarfissatut ilusiliaq 3	21	10 (L1 H0 F9)

Takussutissiaq: Periarfissatut ilusiliiani tamaginni innuttaasut aamma Mittarfeqarfinni sulisut amerlassusaat Nassuaat: L=Mittarfik, H=Akunnittarfik, F=Pilersuinermik suliaqartut
Najoqqutarisaq: MIT aamma Rambøll-ip missingersuinera.

Periarfissatut ilusiliaasinnaasoq 3-mi Narsarsuarmi pilersuineq Mittarfeqarfiiit ingerlattariaqassaneraat immikkut isummerfigineqartussaassaaq, tassani timmisartumik angallannermut tunngasunik suliaqarnerup, Mittarfeqarfifit pingaarnertut ingerlatsivigisaata, ingerlanneqarnissaanut sulisoq ataasiinnaassalluni. Nunaqarfinni 30-it sinnerlugit amerlassusilinni Mittarfeqarfiiit qulimiguulinnut mittarfimmik ingerlatsivigisaanni taanna pissusiviusuni KNI Pilersuisoq-mit imaluunniit Mittarfeqarfinnut ingerlatsinissamut isumaqatigiissut atorlugu suliaqartuusunit allanit ingerlanneqarpoq.

Nalunaarusiam i nerniliussat eqikkarneqarnerat:

Narsarsuaq ullumikkut Kujataani mittarfittut aqquaartarfittut pingaarutilittut atorneqarpoq, aammalu mittarfiup ingerlanneqarnera sinneqartoorfiusumik ingerlatsinermi angusaqarfiusarluni, taamaattoq akunnittarfimmut amigartoorteqarfiusumut taamaattoqarani.

Narsarsuaq ullumikkut Kujataani qulimiguulinnut mittarfinnun aralinnut taakkunangnaaniillu pisariaqartitsineq pissutigalugu mittarfimmit annerusumit minnerusumut timmisartuussinissamik, Qaqortumut tassanngaaniillu Kujataani ilaasut affaasa missaannik timmisartuussiviusartumut ilanngullugu, Kujataanut isaariaqarfiuvoq. Qaqortumi mittarfimmut nutaamat aqquaartarfiuup nuutinneqarnerani Kujataani assartuussinermik suliaqarnerup affaa tikillugu sipaardeqassaaq, tamannalu billetsit akiinut, piffissamut angalaffiusumut aamma kiffartuunneqarnissamut isumaqatigiissutinut aningaasartuutinut pitsaasumik sunniuteqartussaalluni.

Qaqortumi nutaamik mittarfiliornerup kingunerissavaa, periarfissatut ilusiliat arlaata toqcarneqarnera apeqqutanani, Narsarsuup mittarfittut amigartoorteqarfiusutut ingerlanneqartussanngornera.

Periarfissatut ilusiliiani tamaginni ingerlaavartumik aningaasaliisarnissaq pisariaqartussaavoq aammalu ingerlatsinermi amigartoorteqarfiusussaallutik, MIT-mit naggataatigullu Namminersorlutik Oqartussanit imaluunniit ornigassanut allanut ilaasunit matussuserneqartussanik.

Narsarsuarmi Mittarfimmut immikkullarissumik aningaasaqarnikkut tunngavigineqartut nalunaarusiam i lanngunneqartumi paasinarsisisinneqarput. Tassunga tapiliullugu takussutissiam i matuma kingulianiittumi, Qaqortumi mittarfimmut nutaamat aningaasaliinernut ingerlatsinermullu aammalu Narsarsuarmi Mittarfimmut periarfissatut

ilusilianut pingasuuusunut maannakkut naliusut, kiisalu Kiffartuunneqarnissamut isumaqatigiissutinut aningaasartuutinut sipaardeqartunut aammalu angalanermut aningaasartuutinut sipaardeqartunut maannakkut naliusut aammalu ilaasut piffissamut sipaardeaannut naliusut ikkunneqarput.

Aningaasaqarnermut sunniinerit taakkua tamarmik ataatsimoortinneqarpata, maannakkut naliusumi (NPV) oqaatigalugit aningaasaqarnikkut inerniliussat tamarmiusut imaassapput:

Kisitsisit tamarmik mio. koruuninngorlugit	Periarfissatut ilusiliaq 0 Ullumikkutut mittarfik 1830 m	Periarfissatut ilusiliaq 1 Qaqortumi mittarfik 1500 m, Narsarsuarmi mittarfik 1830 m	Periarfissatut ilusiliaq 2 Qaqortumi mittarfik 1500 m, Narsarsuarmi mittarfik 799 m	Periarfissatut ilusiliaq 3 Qaqortumi mittarfik 1500 m, Narsarsuarmi qulimiguulim-mut mittarfik
Qaqortumi mittarfimmut nutaamut NPV (ningaasaliineq amma ingerlatsineq) ¹	0	-545	-545	-545
Narsarsuarmut NPV (ningaasaliineq amma ingerlatsineq)	-31	-277	-131	-56
ningaasaliinermut amma ingerlatsinermut NPV, Qaqortumut amma Narsarsuarmut katillugu	-31	-822	-676	-601
Kiffartuunneqarnissamut isumaqatigiissutinut tapiissutit sipaardeqartut pillugit NPV	0	252	252	252
Angalanermut ningaasartuutinut amma piffissamut angalaffiusumut sipaardeqartunut NPV	0	396	396	396
Aningaasaqarnikkut katillugu NPV inernera	-31	-174	-28	47

Mittarfitt ilusiligaanerisa maannakkut atuuttup amma nutaap imminnut sanilliunneqarnerat, ningaasaliinerni amma ingerlatsinermi angusani mannakkut naliusumi oqaatigalugu (mio. koruunit)

¹ Deloitte: Mittarfitt annertusaavigineqarneranni inuiaqatigiit aningaasaqarnerannut sunniutaasussanik nalilersuineq, Alloriarneq 2, April 2018

Inuaqatigitt aningaasaqarnerannut sunniutaasussanik nalilersuineq alloriarneq 2:
Alloriarneq 2-mi misissueqqissaarnermi periarfissatut ilusiliani allani marluusuni
Narsarsuarmi qulimiguulinnut mittarfik ilaatinneqarpoq. Aaqqiissutissamik allamik
akisunerusumillu Narsarsuarmut kissaateqartoqassappat, inuaqatigitt aningaasaqarneranni
misissueqqissaarnerup pingaarterup inernerri taamaaqataanik tamaviaartitsilertussaavoq.
Tamanna takuneqarsinnaavoq allassimasumi: takussutissami matuma siulianiittumi
"Narsarsuarmut NPV (ningaasaliineq aamma ingerlatsineq)", kiisalu allassimasumi:
"Aningaasaqarnikkut katillugu NPV inernera".

Nalunaarusiaq tassungalu inerniliussat Deloitte Danmark-imut aamma Inuaqatigiit
ningaasaqarnerannut sunniutaasussanik nalilersuineq alloriarneq 2-mi naatsorsuinernut
naliissaagaapput.

Aningaasaqarnikkut sunniutaasussat

Nalunaarusiaq kingusinnerusukkut Narsarsuarmi Mittarfik qanoq annertussusilerlugu
allanngortinnejassanersoq iluarsaannejassanersorlu aalajangiinissamut tunngavagineqassaaq.

Attaveqaqatigiinneq

Isummernissamut tunngavissiaq manna, ilangussaq 1 ilangullugu, Inatsisartut
Sanaartornermut Ataatsimiitaliaanut aamma Aningaasaqarnermut Akileraartarnermullu
Ataatsimiitaliaanut ilisimatitsissutitut nassiunnejassanersoq.

Tusarniaaneq

Isummernissamut tunngavissiaq manna Naalakkersuisut Siulittaasuata
Naalakkersuisoqarfianut, Aningaasaqarnermut Naalakkersuisoqarfimmuit kiisalu
Inuussutissarsiornermut Nukissiuuteqarnermullu Naalakkersuisoqarfimmuit
tusarniaassutigineqarpoq.
Aningaasaqarnermut Naalakkersuisoqarfimmuit aamma Inuussutissarsiornermut
Nukissiuuteqarnermullu Naalakkersuisoqarfimmuit tusarniaanermut akissuteqaatit
aaqqissuinermut tunngassuteqartut tiguneqarput, taakkualu isummernissamut tunngavissiam
ilanngunnejassanersoq.



Simon Simonsen

/



Ruth Lindhardt

Ilanngussat

Ilanngussaq 1: Narsarsuarmi mittarfiup siunissaa pillugu periarfissatut ilusiliat pingasut

Sullarineqarpoq uunga

Namminersorlutik Oqartussat,

Ineqarnermut Attaveqaqatigiinnermullu Naalakkersuisoqarfik

Allakkiap suussusaa

Nalunaarusiaq

Ulloq

Septembari 2018

NARSARSUARMI MITTARFIUP SIUNISSAA PILLUGU PERIARFISSATUT ILUSILIAT PINGASUT



**NARSARSUARMI MITTARFIUP SIUNISSAA PILLUGU
PERIARFISSATUT ILUSILIAAT PINGASUT**

Iluarsineqartoq Naammassisaq, 23
Ulloq 20.09.2018
Suliarinnittooq FBK, JACS
Kukkunersiusoq ERK, HET

IMARISAI

1.	SULIASSAMUT TUNNGAVIUSUT	6
2.	NARSARSUARMI MITTARFIUP SIUNISSAANUT PERIARFISSATUT ILUSILIAT PINGASUT TAAKKUA NASSUIARNEQARNERAT	7
3.	POLITIKKIKKUT AAMMA MALERUAGASSIINIKKUT PIUMASAQAATINUT KILLISSALIUSSAT	9
3.1	Inatsisartut mittarfiit ilusiligaanerat pillugu periusissatut aalajangiineri	9
3.2	Misissueqqissaarnerup ilusaa	9
3.3	Nunani tamalaani aamma nunami namminermi angallassinermi piumasaqaatinut killissaliussat	10
3.4	Periusissatigut killissaliussanut piumasaqaatit	10
4.	PERIARFISSATUT ILUSILIANI PINGASUNI TAAKKUNANI PINGAARNERTIGUT NAJOQQUTARISAQ AAMMA INGERLATSINERMI TUNNGAVIGINEQARTOQ	11
4.1	Periarfissatut ilusiliaq 1: Narsarsuup ullumikkutut atatiinnarneqarnera, kisianni akunnilluni angallannertaqarani	11
4.2	Periarfissatut ilusiliaq 2: Mittarfik annikillisillugu Narsarsuarmi mittarfiup atatiinnarneqarnera	11
4.3	Periarfissatut ilusiliaq 3: Narsarsuarmi mittarfiup qulimiguulinnut mittarfittut allangortinneqarnera	12
4.4	Aningaasaqarnikkut misissueqqissaarnerit	12
5.	ANGALLANNERUP INERIARTORNISSAA NAATSORSUUTIGINEQARTOOQ	14
5.1	Kujataani angallannermi niuerfimmik nalilersuineq	14
5.2	Narsarsuarmi mittarfimmi siunissami angallanneq	15
6.	ANINGAASALIINISSAMIK PISARIAQARTITSINEQ	16
6.1	Periarfissatut ilusiliaq 1: Kujataani nunap immikkoortuani angallannermut mittarfittut allatut qinigassatut tamakkiisumik iluarsaassinissamut aningaasaliinissamut missingersuutit	16
6.2	Periarfissatut ilusiliaq 2: Najukkami angallannermut 799 meterimik mittarfeqalerlugu iluarsaassinissamut ningaasaliinissamut missingersuutit	16
6.3	Periarfissatut ilusiliaq 3: Narsarsuarmi mittarfiup qulimiguulinnut mittarfinngorlugu annikillisinneqarneranut ningaasaliinermut missingersuutit	17
6.4	Eqikkaaneq aamma periarfissatut ilusilianut pingasunut taakkununnga aningaasaliinerit annertussusaasa imminnut sanilliunneqarnerat	18
7.	2022-IMI INGERLATSINERMI MISSINGERSUUTIT	19
7.1	Ingerlatsinermut missingersuutinut aallaqqaasiut	19
7.2	Tunngavigineqartut	19
7.3	Innuttaasut amerlassusaat aamma MIT-imi sulisut amerlassusaat pillugit immikkut	21

7.4	Periarfissatut ilusiliani taakkunani ingerlatsinermut missingersuutinut takussutissiaq	21
7.5	Periarfissatut ilusilianut ataasiakkaanut ingerlatsinermut missingersuutit nassuiarneqarnerat	23
7.6	Ingerlatsinerup inernera allannangortinneqartoq aamma Narsarsuarmi Mittarfimmut tapiissutinik pisariaqartitsineq	24
7.7	Ingerlatsinermut missingersuutit nalorninartortaat	24
8.	MISSINGERSUUTINI ANINGAASAQARNIKKUT MISISSUEQQISSAARNEQ	25
8.1	Tunngavigineqartut	25
8.2	Periarfissatut ilusilianut pingasunut taakkununnga akiliisinhaassuseqarnermut missingersuutit	26
8.3	Periarfissatut ilusilianut pingasunut taakkununnga akiliisinhaassuseqarnermut missingersuutit imminnut sanilliunneqarnerat	28
9.	ANINGAASAQARNIKKUT MISISSUEQQISSAARNEQ	29
9.1	Sanaartornermut aningaasartuutit	29
9.2	Ingerlatsinermi angusat	30
9.3	Aningaasaqarnikkut inernera	32
9.4	Malussarissutsimik misissueqqissaarneq	33
10.	KIFFARTUUNNEQARNISSAMUT ISUMAQATIGIISSTUTIT PILLUGIT IMMIKKUT	35
10.1	Kiffartuunneqarnissamut isumaqatigiissutit	35
11.	EQIKKAANEQ	36
11.1	Qaqortumi nutaamik mittarfiornermi Narsarsuarmut periarfissatut ilusiliat	36
11.2	Kujataani maannakkut aammalu nutaamik mittarfiit ilusiligaanerisa aningaasaqarnikkut imminnut sanilliunneqarnerat	37

Naalisaanerit:

Airside	Mittarfik, taxanut aqqusernit aamma uninngasarfiit
BL	Timmisartumik angalanermut aalajangersakkat
D	Qulimiguulinnut mittarfiup diameteria
EASA	European Aviation Safety Agency
ETOPS	Extended Twin Engine Operations (Mittarfimmi sullissineq, assersuutigalugu Europa-miit Amerikamut Avannarlermut Imarpik qulaallugu timmisartut marlunnik motoorillit, motoorit kukkuneqarneranni minutsit 60-it iluanni missinnaanerannik, qulakteeqataasussaq).
GOH	Nuuk
GP	Glide Path
ICAO	International Civil Aviation Organization
JAV	Ilulissat
JEG	Aasiaat
JFR	Paamiut
JJU	Qaqortoq
JSU	Maniitsoq

KAIR	Kalaallit Airports
IAN	Ineqnarnermut Attaveqaqatigiinnermullu Naalakkersuisoqarfik
LLZ	Localizer
MIT	Mittarfeqarfijit
NDB	Non-Directional Beam
NPV	Net Present Value, maannakkut naliusoq
PAPI	Precision Approach Path Indicator
SFJ	Kangerlussuaq
UAK	Narsarsuaq
USAF	US Air Force

1. SULIASSAMUT TUNNGAVIUSUT

Qaqortumi nunap immikkoortuani nutaamik mittarfiliornissaq, Narsarsuarmi Mittarfiup siunissami timmisartuussivigineqartarnissaanut aammalu Kujataanut tassangaaaniillu aammalu Kujataata iluani timmisartuusseriaatsinut pingaaruteqartorujussuusussaapput.

Narsarsuaq Kujataani timmisartuusseriaatsimut pingaarnertut mittarfiunermi saniatigut Kommune Kujallermi nunaqarfiuvoq 126-it missaannik inoqarluni, pingartumik angallannerup takornariartitsisarnerullu iluanni inuussutissarsiornermut suliffissaqartitsinikkullu periarfissanut tunngatillugu mittarfik pinngitsoorneqarsinnaanngilaq. Narsarsuarmi Mittarfik nunap immikkoortuani angallannermut tunngatillugu annikillisinneqassappat, nunaqarfimmi suliffissaqartitsinermi periarfissat annertuumik annikillisussaapput.



Kujataani nunap immikkoortuani angallannermut mittarfik pingarneq Qaqortumiitillugu, timmisartumik angallannerup nutaamik ilusilerneqarnissaa pilersaarutaasoq eqqarsaatigalugu, nalunaarusiami matumani timmisartumik angalanermi periaatsimut ilaatiillugu, Narsarsuup siunissaanut periarfissatut ilusiliat pingasut paasinarsisinneqarput.

Oqaatigissallugu pingaaruteqarpoq, nalunaarusiapi matuma Kujataani Qaqortumi nutaamik mittarfittaarnermi timmisartumik angallassinermi periaatsimut nutaamut aalajangiinissamut tunngavissaanngimmat. Aalajangiinissamut tunngavissaq "Mittarfinnik annertusaanermi inuiaqtigii aningasaqarnerannut sunniutaasussanik nalilersuinermiippoq"¹. Nalunaarusiami matumani Narsarsuarmut ineriertortitsinissamut periarfissatut ilusiliat aammalu Qaqortumi nutaamik mittarfittaarnissaq naatsorsuutigalugu Narsarsuaq Mittarfeqarfinnut aningasaqarnikkut sunniutaasussat taamaallaat qulaajaavigineqarput.

¹ Deloitte: Mittarfinnik annertusaanermi inuiaqtigii aningasaqarnerannut sunniutaasussanik nalilersuinerg, Alloriarneq 2 , April 2018

2. NARSARSUARMI MITTARFIUP SIUNISSAANUT PERIARFISSATUT ILUSILIAT PINGASUT TAAKKUA NASSUIARNEQARNERAT

Qaqortumi nutaamik mittarfiliornissaq annertuumik politikkikkut aalajangigaavoq, tassani inuaqatigiinni, inooqatigiinnermi, inuussutissarsiornikkut, attaveqaqatigiinnermut minnerunngitsumillu aningaasaqarnikkut tunngavissat ilaatinneqarlutik. Qaqortumi Mittarfik Namminersorlutik Oqartussanit 100%-imik nammineq aningaasaatinut akiliuteqarnikkut aningaasalorsorneqassasoq naatsorsuutigalugu, misisueqqissaarnermi matumani naatsorsuinerit suliarineqarput, tamatumalu kingunerisaanik naatsorsuinerni aningaasaatinut aningaasartuutinik ilanngussisoqarani.

Kommune Kujalleq suleqatigiissitaliamik pilersitsivoq, mittarfiit nutaamik ilusiligaaneranni Narsarsuarmi Mittarfiup siunissaanik misissuisussamik. Nalunaarusiaq manna suliaqarnerup taassuma ilaatut ilaatinneqarpoq.

Timmisartumik angallannermi periaatsimut nutaamut, tamatumalu malitsigisaanik Namminersorlutik Oqartussanit aamma Mittarfeqarfinnut, suliaqarnikkut aningaasaqarnikkullu sunniutaasussanut, ataqtigilissillugu Narsarsuarmi Mittarfiup siunissaanut periarfissatut ilusilianik pingasunik suliaqarnissamik Ineqarnermut Attaveqaqatigiinnermullu Naalakkersuisoqarfiup Rambøll qinnuigaa.

Qaqortumi timmisartunut suluusalinnut nutaamik mittarfeqalernerup kingunerissanik, Narsarsuarmi mittarfimmut tassanngaaniillu akitsorsaataasartumik mittarfimmit annerusumit minnerusumut timmisartuussisoqarani, ilaasut sapinngisamik amerlanerpaat toqqaannartumik Qaqortumi aallarfissaminnekartalissapput imaluunniit tikiffissaminnekartalissallutik. Tassunga ilanngutissaq Kujataani ornigassanut allanut taakkunangaaaniillu mittarfimmit annerusumit minnerusumut timmisartuussinerit ataatsimut isigalugu sivikinnerulerissaanerisa akikinnerulerissaanerisalu naatsorsuutigineqarnera, aammalu Narsarsuarmut sanilliullugu Qaqortoq, Kujataani angallasseriaatsimi qiterpasinnerusumi inisisimasoq, tessunga tassanngaaniillu angallannerup ingerlanneqalernissaa.

Oqaatigineqassaaq Narsarsuup angallannikkut sullissivigineqarnerata arlaannik iluseqartumik attatiinnarneqarnissaa tunngavissaritinneqarmat, tassami Kujataani mittarfittut akunniffiusartutut ingerlatat pingarnerit Qaqortumut nuunneqaraluarpataluunniit, Narsarsuup nunaqarfittut attatiinnarneqarnissaa kissaatigineqartoq politikkikkut oqariartuutigineqarpoq.

Rambøll-ip quppernerni tulliuttuni Narsarsuarmi mittarfiup siunissaanut periarfissatut ilusiliaasinaasuni pingasuni tunngavigisat, uuttuutit aamma sunniinerit nassuiarpai. Periarfissatut ilusiliat pingasut taakkua annertussutsit annikilliartorneranni, aningaasaliinerit annertussusaanni aamma ingerlatseriaatsini nassuiarneqarput (takuuk quppernerup tullia):

Periarfissatut ilusiliaq 1:	Periarfissatut ilusiliaq 2:	Periarfissatut ilusiliaq 3:
<p>Narsarsuaq Kujataani nunap immikkoortuani angallannermut mittarfittut akunniffissatut atorunnaarsinnejqassaaq, Qaqortumi Mittarfimmut nutaamut nuutinnejqassalluni. Mittarfimmi maannakkut atortorissaarutit sanaartukkallu tamarmik atatiinnarnejqassapput, taamaattoq akunnittarfiunngitsoq.</p> <p>Sulisut amerlassusaat angallannerup annertussusaanut annikillisumut naleqqussarnejqassapput.</p>	<p>Narsarsuaq mittarflup takissusaa aammalu atortorissaarutit annikillisillugit Qaqortup aamma Narsarsuup akornanni najukkami angallannermut atatiinnarnejqassaaq.</p> <p>Sulisut annertuumik ikilisinnejqassapput.</p>	<p>Narsarsuaq Qaqortumi mittarfimmit nutaamit timmisartuussinissamut qulimiguulinnut mittarfinngorlugu annikillisinnejqassaaq.</p> <p>Sulisut annertuumik ikilisinnejqassapput.</p>
Mittarfik 1830 X 45 meteri.	Mittarfik 799 x 30 meteri mittarflup pioereersup iluani pilersinnejqassaaq.	Qulimiguulinnut mittarfik 30 meterinik diametereqartoq mittarflup nunataata pioereersup iluani pilersinnejqassaaq.
<p>Timmisartut sarpeqanngitsut akunnattumik ungasissusilimmuit timmisinnaasut aamma timmisartut turbo-nik sarpillit, soorlu assersuutigalugu Dash 8-200 aamma Dash 8-Q400 aamma ATR 72 missinnaapput.</p> <p>Islandimut aamma Københavnmut timmisartuussinissaq suli periarfissaqassaaq.</p>	<p>Immikkut ittumik akuversissuteqarnikkut timmisartut turbo-nik sarpillit, soorlu assersuutigalugu Dash 8-200 aamma ATR 42 missinnaapput.</p> <p>DHC 6 Twin Otter, King Air assigaallu missinnaapput.</p>	<p>Qulimiguullit akunnattumik angissusillit aamma angisuut tamarmik missinnaapput, assersuutigalugu Bell 212 aamma AW 169 kiisalu Sikorsky 92 aamma Eurocopter Super Puma.</p>

Takussutissiaq 1: Periarfissatut ilusiliat pingasut

3. POLITIKKIKKUT AAMMA MALERUAGASSIINIKKUT PIUMASAQAATINUT KILLISSALIUSSAT


3.1 Inatsisartut mittarfiit ilusiligaanerat pillugu periusissatut aalajangiineri

UKA 2015-imi Kalaallit Nunaanni timmisartumik angallannermi periaatsip allanngortinneqarnissaa pillugu Inatsisartunit immikkoortup 18/167-ip akuerineqarnerata kingunerisaanik, assartuussinernek suliaqarnerup, piffissap angalaffiusup aamma angalanermut aningaasartutit annikillisinneqarnerannik malitseqartussaassaaq aammalut ullumikkornit annertunerumik angalasut ornigassaminut toqqaannartumik timmisartuunneqartalernissaannut iluaqutaassalluni. Tamanna ilaatigut Kujataani pissaaq, tassani siunissami aqquaartarfik Qaqortumiilissammat, tassanngaaniit Nuummuit toqqaannartumik aqquteqalissalluni. Taamaaliornermi Qaqortup aamma Narsarsuup akornanni mittarfimmit annerusumik minnerusumit timmisartuussisarunnaarneq pissutaalluni Kujataani qulimiguulimmik timmisartuussinerit affaasa missaat atorunnaassapput.

3.2 Misissueqqissaarnerup ilusaa

Misissueqqissaarneq manna Narsarsuarmi Mittarfiup siunissaanut immikkullarissumik aningaasaliinermut aamma missingersuutini aningaasaqarnikkut misissueqqissaarnertut, taamaalilluni aamma Narsarsuarmi Mittarfimmit Qaqortumi Mittarfimmut aqquaarluni angallannerup nuutinneqarnerani Mittarfeqarfinnut sunniutaasussanik qulaajaanertut, isigineqassaaq.

Misissueqqissaarnerup ilusiligaanera, aningaasaqarnikkut soqtigisaqartunut tassalu Mittarfeqarfinnut, Kalaallit Airports A/S-imut aamma Namminersorlutik Oqartussanut assigiltoq, imatut takussutissiarineqarsinnaavoq:



Ilusiliaq 1: Misissueqqissaarnerup ilusiligaanera

Narsarsuarmut tunngatillugu misissueqqissaarneq manna taamaalilluni misissueqqissaarnerernut allanut aallartinneqarsimasunut ataqatigiissillugu, pingartumillu Qaqortumi nutaamik mittarfittaarnermi inuaqatigiit aningaasaqarnerannut misissueqqissaarnermut² tunngatillugu, isigineqassaaq. Immikkoortoq 11-imi misissueqqissaarnerit taaneqartut inernerri eqikkarneqarput.

² Deloitte: Mittarfinnik annertusaanermi inuaqatigiit aningaasaqarnerannut sunniutaasussanik nalilersuineq, Alloriarneq 2, April 2018

3.3 Nunani tamalaani aamma nunami namminermi angallassineremi piumasaqaatinut killissaliussat

Nunani tamalaani aamma nunami namminermi angallassineremi piumasaqaatinut killissaliussani ilaapput Trafikstyrelsimit Inuiaqtiginni timmisartumik angallassinermut aalajangersakkat tamarmik (BL-it) kiisalu International Civil Aviation Organization-imit (ICAO) maleruaqqusat tamarmik. Malitassat taakkua timmisartuussinernut aammalu mittarfinnut tunngatillugu angallassinerenut tunngasunut tunngatillugu ilusilersuinernut suleriaatsinullu tunngassuteqarput.

Ilusilersuinernut angallassinerullu piumasaqaatit taakkua nalunaarusiami matumani erseqqinnerusumik itisiliivigineqassanngillat, kisianni oqaatigineqaannassaaq, aningaasaliinissamut missingersuutinut missingersuinernullu tamaginnut, malitassat maleruagassiinikkullu piumasaqaatit taaneqartut taakkua naammassineqarnissaat, tunngavissaritinneqartoq. Tamanna mittarfiit pioreersut, taxi-nut aqqtissat aamma mittarfiup eqqaani iluarsaassinerni aammalu mittarfiup naanninngorlugu aminnninngorlugulu annikillisinnissaanut atutissaaq.

3.4 Periusissatigut killissaliussanut piumasaqaatit

Periarfissatut ilusiliaq 1: Mittarfik 1.830 m.	Periarfissatut ilusiliaq 2: Mittarfik 799 m.	Periarfissatut ilusiliaq 3: Qulimiguulik
Namminersorlutik Oqartussat mittarfinnut periusissiaannut iluaquataassaaq, kisianni Narsarsuarmi annertuumik imminut akilersinnaanngitsunik atorneqanngitsunik piginnaasaqarnermik malitseqassalluni.	Namminersorlutik Oqartussat mittarfinnut periusissiaannut iluaquataassaaq, kisianni Narsarsuarmi annertuumik imminut akilersinnaanngitsunik atorneqanngitsunik piginnaasaqarnermik malitseqassalluni.	Namminersorlutik Oqartussat mittarfinnut periusissiaanni nutaami najukkami qulimiguulinnut mittarfittut ilaavoq
Najukkami aamma takornariartitsisarnikkut soqutigisat iluaquserneqassapput, ilaatigut Islandimut timmisartuussinissaq periarfissaqarluni.	Qaqortumut timmisartumik mikisumik aamma qulimiguulimmik aqquqteqarneratigut najukkami aamma takornariartitsisarnikkut soqutigisat iluaquserneqassapput.	Qaqortumut qulimiguulimmik aqquqteqarneratigut najukkami soqutigisat iluaquserneqassapput.

Takussutissiaq 2: Periusissatigut killissaliussanut piumasaqaatit

4. PERIARFISSATUT ILUSILIANI PINGASUNI TAAKKUNANI PINGAARNERTIGUT NAJOQQUTARISAQ AAMMA INGERLATSINERMI TUNNGAVIGINEQARTOQ

4.1 Periarfissatut ilusiliaq 1: Narsarsuup ullumikkutut atatiinnarneqarnera, kisianni akunnilluni angallannertaqarani

Periarfissatut ilusiliaq 1-imí tunngavissaatinneqarpoq Qaqortumi Mittarfik nutaaq 1.500 meterimik mittarfittaqartoq sananeqassasoq. Narsarsuarmi mittarfeqarfik (1.830×45 meter) aamma terminali ullumikkutut atatiinnarneqassapput, taamaalilluni mittarfimmí sullissinerinnakkut timmisartut sarpeqanngitsut akunnattumik ungasissusilimmut timmisartut aammalu timmisartut turbo-nik sarpillit tamarmik sullineqarsinnaassallutik. Mittarfik taamaalilluni Qaqortup saniatigut mittarfittut allatut qinigassatut atorneqarsinnaassaaq aammalu timmisartut anginerusut, assersuutigalugu Islandimeersut aamma Europa-meersut missinnaassallutik. Mittarfik pingaartumik nunaqarfimmut aammalu Narsarsuup eqqaani pisullutik takornarianut najukkami mittarfittut atorneqassaaq.

Tunngavissaatinneqarpoq sulisunut inissiat ikilisinneqassasut aammalu akunnittarfik namminersortunit ingerlanneqartussanngussasoq. Ataatsimut isigalugu periarfissatut ilusiliami tassani, mittarfimmí atortorissaarutit inissaqartitsinerlu angallannakkut pisariaqartitsinermut sanilliullugu annertunaagaasussaapput.

4.2 Periarfissatut ilusiliaq 2: Mittarfik annikillisillugu Narsarsuarmi mittarfiup atatiinnarneqarnera

Periarfissatut ilusiliami tassani mittarfik 799×30 meterimut annikillisinneqarpoq, tassanilu siunnerfigineqarpoq Twin Otter-inut, timmisartunut King Air-inut assigisaannulluunniit mittarfik naatsoq. Mittarfimmut 1.830 meteriusumut siusinnerusukkut taaneqartumut sanilliullugu, mittarfiup naannerusup taassuma kingunerisaanik sanaartornermut aningaasaliinerit, aserfallatsaaliuinermut aningaasartuutit aamma iluarsaassinerit annikinnerusussaapput kiisalu ikuallattoornissamut upalungaarsimasut timmisartunut 19-inik ilaasoqartartunut naapertuuttumik annikillisinneqassallutik. Ikuallattoornissamut upalungaarsimasut attatiinnarneqassappata Narsarsuarmi mittarfik angallassinerinnakkut, timmisartunut Dash-8-200-inut Qaqortup saniatigut mittarfittut allatut qinigassatut atorneqarsinnaassaaq.

Narsami aamma Nanortalimmi mittarfinnik naatsunik pilersitsisoqassappat, mittarfik 799 meteri pingaaartumik pingaaruteqassaaq, taamaalilluni Kujataani Twin Otter-imut assigisaanulluunniit ataatsimut suliffissaqartitsisoqarsinnaassalluni. Qaqortup aamma Narsarsuup akornanni sapaatip akunneranut marlussoriarluni angallassinissamut Twin Otter-imik ataatsimik ingerlatsinissaq naleqquettussaanngilaq aammalu imminut akilersinnaasussaanani.

Aamma periarfissatut ilusiliami tassani tunngavissaritinneqarpoq akunnittarfik namminersortunit ingerlanneqalissasoq aammalu sulisunut inissiat ikilisinneqassasut.

Naatsorsutigineqanngilaq mittarfik pisariaqartinneqanngitsoq aammalu nunaminertaq peerneqassasut, kisiannili mittarfik nutaaq naannerusoq aminnerusorlu taamaallaat mittarfiup piovereersup iluani nalunaaqutserneqassasoq. Taamatuttaaq terminalip illutaa allallu illuutit mittarfimmut attuumassuteqartut pisariaaruttut, peerneqassanngillat.

4.3 Periarfissatut ilusiliaq 3: Narsarsuarmi mittarfiup qulimiguulinnut mittarfittut allanngortinnejarnera

Kiisalu periarfissatut ilusiliaq 3-imi Qaqortumut qulimiguulimmik attaveqalersitsisumik, Narsarsuarmi mittarfiup qulimiguulinnut mittarfinngorlugu annikillisinnejarnissaq qulaajaavagineqarpoq. Qulimiguulinnut mittarfik maannakkut nunaminertaata sumiiffiani annikinnerusumi pilersinneqassaaq, aammalu maannakkut terminalip illutaata ilaa, qulimiguulinnik angallannermut terminalip illutaatut atatiinnarneqarsinnaavoq. Tamanna aamma sullissinermut illutanut atuutissaq.

Qulimiguulinnut mittarfik qulimiguulinnut anginerusunut, soorlu Sikorsky 61 aamma 92, Eurokopter Super Puma assigisaannulluunniit annertussusilerneqassaaq. Pissusiviusuni taamaallaat qulimiguullit akunnattumik angissusillit, soorlu Bell 212 imaluunniit AW 169, kisimik pisariaqartinneqartussaapput, kisianni qulimiguullit anginerpaat SAR-imi sullissinermut immaqalu kingusinnerusukkut Kujataani aatsitassarsiorluni misissuinermermi ingerlatanut pisariaqartinneqalersinnaapput.



Periarfissatut ilusiliami matumani akunnittarfik namminersortunit ingerlanneqalissaq aammalu sulisunut inissiat ikinnerpaatilerlugit ilanngarneqassapput.

4.4 Aningaasaqarnikkut misissueqqissaarnerit

Immikkoortuni tulliuttuni Narsarsuarmi Mittarfiup siunissaa pillugu aningaasaqarnikkut tamakkiisuunerpaamik aalajangiinissamut tunngavissaqalersitsinissaq siunertaralugu, aningaasaqarnikkut misissueqqissaarnerit sisamat saqqummiunneqarput.

- Immikkoortoq 6-imi periarfissatut ilusilianut pingasunut taakkununnga aningaasaaliinernut misissueqqissaarnerit saqqummiunneqarput. Periarfissatut ilusiliani ataasiakkaani sanaartornermik suliaqarnernik pilersitsineq imaluunniit annikillisitsineq qanoq akeqassanersoq aammalu Narsarsuarmi Mittarfiup allanngortinnejartup sananeqarnissaq pilersinneqarnissaaluu qanoq sivisutigissanersoq, immikkoortumi paasinarsisinneqarpoq.
- Immikkoortoq 7-imi ingerlatsinermut missingersuutit takutinnejarput, tassa imaappoq periarfissatut ilusiliani assigiinngitsuni Narsarsuarmi Mittarfimmi isertitassanut tunngavissat suussanersut aammalu ingerlanneqarnissaan aningaasartuititigut qanoq akeqassanersoq.
- Immikkoortoq 8-imiippoq missingersuutini aningaasaqarnermi misissueqqissaarnertut taaneqartartoq, allanut atatillugu aningaasaatinut tigoriaannarnut misissueqqissaarnertut taaneqartartoq, tassa imaappoq sanaartornermut aningaasartuutinut aammalu Narsarsuarmi Mittarfiup ingerlanneqarneranut naammattunik aningaasaqarnikkut aningaasassaqarnissap qulakkeernissaanut, ukiumut aammalu ataatsimoortumik aningaasanik tigoriaannarnik pisariaqartitsineq qanoq annertutigiva.

- Kiisalu aningaasaliinerit siuliani taaneqartut kingumut naatsorsuinermi ernaat kiisalu ingerlatsinermi isertitat aamma ingerlatsinermi aningaasartuutit maannakkut naliusumut naatsorsorlugit, immikkoortoq 9-imi takutinneqarput. Ilusiliaq taanna suliassat aningaasaliiviusussat naliliivigineqarnerannut eqikkaanerpaajusussatut isigineqarpoq.


Misissueqqissaarnerit ataasiakkaat aamma tunngavigisat immikkoortuni tulliuttuni alassimapput.

5. ANGALLANNERUP INERIARTORNISSAA NAATSORSUUTIGINEQAROQ

5.1 Kujataani angallannermi niuerfimmik nalilersuineq

2016-imi Narsarsuarmi Mittarfimmi nunap ilaasut 37.789-iupput aammalu Danmarkimut Islandimullu nunanut allanut ilaasut 10.556-iullutik – ilaasut tikittut aallartullu katillugit 48.345.

Narsarsuarmi angallannerup annertussusaa ukiumut ilaasuni 50.000 missaanniittuni taakkunani +- 10 procentimik nikerarpoq, qaffariartulaarluni. Kujataani angallannerup annertussusaa annertuumik allanngussasoq, nunap immikkoortuani aningasaqarnikkut, inuussutissarsiornikkut imaluunniit innuttaasut katitigaaneranni takussutissaqanngilaq. Innuttaasut katitigaaneranni allannguutit aammalu takornariat ukiumut 2,2 procentimik amerlisassasut ilimagisaqarneq³ sillimaffigissagaanni, ilaasut amerlassusaat ukiumut 1,8 procentimik ilusiliinermi siuariassasoq naatsorsuutigineqarpoq. Taamaattoq Narsarsuup aamma Qaqortup akornanni mittarfimmit annermit minnerusumut timmisartuussisarnerup atorunnaarnera pissutaalluni billetsit akii appartinneqassappata, inuit aamma takornariat angalasut amerlassusaasa nikeriarnissaa periarfissaqarpoq. Angalasut nikeriarsinnaanerat taanna misissueeqqissaarnermi toqqaannartumik ilanngunneqanngilaq, kisianni malussarissutsimut misissueqqissaarnermi takussutissiarineqarluni.




Ilusiaq 2: Narsarsuarmi mittarfimmi angallannerup ineriertornera (ilaasut tikittut aamma aallartut)

Qaqortumi nutaamik mittarfiliorqassappat, Narsarsuup aamma Qaqortup akornanni mittarfimmit annerusumut minnerusumut angallattoqarunnaartussaavoq. Ilaasut affai Qaqortumukartussaapput, taamaalillutillu taakkua orningassaminut tassanngaaniillu toqqaannartumik timmisartuunneqarsinnaallutik. Taamaalilluni Kujataani angallattut najukkameersut aammalu angallannermk suliaqartut affasa missaannaaniilertussaapput. Kujataani angallattunit naatsorsuutigineqarpoq, Qaqortumi nutaamik mittarfiliorqassappat, Narsarsuarmi mittarfimmi ilaasut ukiumut 3.000-it missaat taamaallaat kisinngorutissasut (takuuk Ilusiaq 3 qupperneq 15-miitoq).

Kujataani orningassat angineraasa tullii tassaapput Nanortalik aamma Narsaq, Kujataani maannakkut qulimiguulimmik angallannermi 43 procentinik pissarsiviusartut.

³ UNWTO-p nunanut atortorissaarfiusunut takornariartsarnerup ungasissumut siuariartomissaanut missingersuineranut naapertuutumik.

Angallannerinnaq isigalugu taamaalilluni Kujataani akunniffiusartup Narsarsuarmi mittarfimmit Qaqortumut nuutinnerani ilaasunut annertuumik iluaqtissartaqarpoq, tassami ilaasut affaasa mittarfimmit annermit minnerusumut timmisartornissaat ataatsimik annikillisussaavoq, aammalu Kujataani ornigassanut allanut Narsarsuarmukaqqaratik Qaqortumi akunniffissamut nutaamut sivikinnerusumik timmisartortalissallutik.



Ilusiliaq 3: Qaqortumi nutaamik mittarfittaareernerup kingorna angallannerup agguarsimanera

5.2 Narsarsuarmi mittarfimmi siunissami angallanneq

Ullumikkut Narsarsuaq 126-it missaannik inoqarpoq, taakkunannga 60-it missaat Mittarfeqarfinni sulisuupput. Periarfissatut ilusiliiani matuma siuliani allassimasuni taaneqartutut ingerlatat annikillisinneqassappata, MIT malillugu sulisut 10-it aamma 30-it akornanniittut, periarfissatut ilusiliiani ilusiliineq apeqqutaalluni, ilaannikkut Qaqortumut immaqalu avannamut ornigassanut allanut assartorneqarnissamik pisariaqartitsisartussaapput. Tassunga ilanngutissaaq aasaanerani pisullutik takornariat arlallit Narsarsuup eqqaani takusassarsiornissamik kissaateqartut.

Takornariat ikittuinnaassapput, taamaalilluni missingersuinerpiamik suliaqartoqarsinnaanani, kisianni Qassiarsuup aamma Igalikup eqqaanni aasaanerani takornariartitsisoqartarnera ingerlaannassasoq ilimagissallugu naleqqussinnaavoq. Takornariat taakkua pingaartumik akigititanik pissuteqartumik aammalu immikkut misigisassarsiorniarlutik umiarsuarmik atuissasut naatsorsutigineqarpoq.



6. ANINGAASALIINISSAMIK PISARIAQARTITSINEQ

6.1 Periarfissatut ilusiliaq 1: Kujataani nunap immikkoortuani angallannermut mittarfittut allatut qinigassatut tamakkiisumik iluarsaassinissamut aningaasaliinissamut missingersuutit

Periarfissatut ilusiliaq 1-imí mittarfík airside-mut, atortorissaarutinut inissaqartitsinermullu tunngatillugu ullumikkutut angissuseqartillugu atatiinnarneqassaaq, taamaalilluni ajornartoornerni timmisartunut sarpeqanngitsunut akunnattumik ungasissusilimmut timmisartunut aammalu Nuummiit aamma Ilulissaniit nunap iluani timmisartunut mittarfittut allatut qinigassatut atorneqarsinnaassalluni.

Kisiannili illutaannut nunamut sammisuni aningaasaliinerit, akunnittarfimmuit (namminersortunit ingerlanneqalertussamut), sulisunut inissianut aammalu illuutinut allanut MIT-imut attuumassuteqartunut tunngatillugu, Narsarsuarmi Mittarfiup ullumikkutut ingerlatiinnarneqarnissaanut sanilliullugu annertuumik annikillisineqarput. Periarfissatut ilusiliaq 1-imí sanaartornermut aningaasaliinerit tamarmiusut imatut isikkoqarput:

Aningaasaliinerup suussusaa	Aningaasaliineq aningaasartuutit (mio. koruunit)	Piffissaq sanaartorfiusoq (ukioq)	Sanaartornerup aallartiffia
Mittarfík; taxi-nut aqqutissat aamma nunaminertat; qalluitit	20	3	2019
Mittarfík, qaammaqqutit aamma HSP-eqarfíit, ajornartoornermi generatori	15	2	2025
Pilersuiffit; Innaallagiaq, imeqarneq aamma kiassarneq	4	10	2025
Pilersuiffit; ikummatisaaq	4	10	2025
CNS	3	20	2019
Illuutit, mittarfimmuit attuumassuteqartut	25	30	2019
Mittarfeqarfíit sulisunut inissiaataat	5	30	2019
Ingerlatsinermut atortut	36	20	2019
Iliuuseqarnermut orsorsornermullu atortut	4	20	2025
Katillugit	114		

Takussutissiaq 3: Periarfissatut ilusiliaq 1-imí sanaartornermut aningaasaliinerit aamma piffissaq sanaartorfiusussaq

Najooqqutarisaq: MIT, 2018.

6.2 Periarfissatut ilusiliaq 2: Najukkami angallannermut 799 meterimik mittarfilerlugu iluarsaassinissamut aningaasaliinissamut missingersuutit

Narsarsuarmi Mittarfiup siunissaanut najooqqutarisaq 'annikilliseqqinnejarnera' tassaasinhaavoq mittarfiup 799 meterinngorlugu annikillisineqarnera aammalu mittarfimmi atortorissaarutit allat taamaallaat timmisartumik Dash-6-imik Twin Otter-imik assigisaanilluuniit nunaqarfimmuit sinneruttumut najukkami aammalu attartukkanik angallannermi miffigineqarsinnaasunngorlugu, annertussusilernejarlutik. Immaqalu ikuallattoornissamut upalungaarsimasut tamakkiisumik ullumikkutut attatiinnarneqarputa,

aammalu maannakkut Dash-8-200-inut mittarfimmi 799 meteriulluni naannerusumi minnissamut maannakkut immikkut ittumik akuersissuteqarneq ingerlaannassappat, timmisartoq Dash-8-200 missinnaassaaq.

Periarfissatut ilusiliaq 2-imi airside iluarsaaneqarnissaanut annikillisinneqarnissaanullu kisalu inissiat aamma pilersuiveqarfiit iluarsaaneqarnissaannut aningaasaliinerit tamarmiusut Takussutissiaq 4-mi takutinneqartutut agguarsimapput.

Aningaasaliinerup suussusaa	Aningaasaliineq aningaasartuutit (mio. koruunit)	Piffissaq sanaartorfiusoq (ukioq)	Sanaartornerup aallartiffia
Mittarfik, taxi-nut aqqutissat aamma nunaminertat, qallutit	12	3	2019
Mittarfik, qaammaqqutit aamma HSP-eqarfiit, ajornartoornermi generatori	9	2	2025
Pilersuiffit; Innaallagiaq, imeqarneq aamma kiassarneq	4	10	2025
Pilersuiffit; ikummatisaq	2	10	2025
CNS	3	20	2019
Illuutit, mittarfimmuit attuumassuteqartut	14	30	2019
Mittarfeqarfiit sulisunut inissiataat	4	30	2019
Illuutit allat, Mittarfeqarfinnit pigineqartut	0	30	2019
Ingerlatsinermut atortut	9	20	2019
Iliuuseqarnermut orsorsornermullu atortut	3	20	2025
Katillugit	58		

Takussutissiaq 4: Periarfissatut ilusiliaq 2-mi sanaartornermut aningaasaliinerit aamma piffissaq sanaartorfiusussaq

Najooqutarisaq: MIT, 2018.

6.3 Periarfissatut ilusiliaq 3: Narsarsuarmi mittarfiup qulimiguulinnut mittarfinngorlugu annikillisinneqarneranut aningaasaliinermut missingersuutit
 Periarfissatut ilusiliaq 3-imi illutai annikinnerpaamiissallutik aammalu maannakkut timmisartunut nunaminertaata ilaani qulimiguulinnut nunaminertalerlugu, mittarfik qulimiguulinnut mittarfinngortinneqassaaq. Maannakkut mittarfeqarfik aallartunut mittarfittaqaqartoq, taxinut aqquteqartoq aammalu nunaminertaata sinnera matuneqassaaq, kisianni piiarneqassanani.

Terminalip illutaa qulimiguulinnut ilaasunik iliuseqarfiginninnissamut aammalu nassiussanik passussinermut atatiinnarneqassaaq. Illutaata ilaa matuneqarsinnaavoq.

Periarfissatut ilusiliaq 3-mut airside iluarsaaneqarnissaanut annikillisinneqarnissaanullu, inissiat aamma pilersuiveqarfiit iluarsaaneqarnissaannut aningaasaliinerit tamarmiusut Takussutissiaq 5-mi takutinneqartutut agguarsimapput, aningaasaliinissat naatsorsuutigineqartut aamma piffissat aningaasaliiviusussat allassimallutik.

Aningaasaliinerup suussusaa	Aningaasaliineq aningaasartuutit (mio. koruunit)	Piffissaq sanaartorfiusoq (ukioq)	Sanaartornerup aallartiffia
Qulimiguulinnut mittarfik qaammaqquteqarfiiit ilanngullugit	0,2	3	2019
Pilersuiffit; Innaallagiaq, imeqarneq aamma kiassarneq	4	2	2025
Illuutit, mittarfimmut attuumassuteqartut	6	20	2019
Mittarfeqarfiiit sulisunut inissiaataat	2	30	2019
Ingerlatsinermut atortut aamma iliuuseqarnermut atortut	5	30	2019
Katillugit	17		

Takussutissiaq 5: Periarfissatut ilusiliaq 3-mi sanaartornermut aningaasaliinerit aamma piffissaq sanaartorfiusussaq

Najooqqutarisaq: MIT, 2018.

- 6.4 Eqikkaaneq aamma periarfissatut ilusilianut pingasunut taakkununnga aningaasaliinerit annertussusaasa imminnut sanilliunneqarnerat**
Eqikkaalluni periarfissatut ilusiliani pingasuni taakkunani aningaasaliinissamut pisariaqartitsineq imatut eqikkarneqarsinnaavoq:

	Periarfissatut ilusiliaq 1: 1.830 m	Periarfissatut ilusiliaq 2: 799 m	Periarfissatut ilusiliaq 3: Qulimiguulinnut mittarfik
Sanaartornermut aningaasartuutit	114	58	17

Takussutissiaq 6: Periarfissatut ilusiliani pingasuni taakkunani aningaasaliinissamut pisariaqartitsineri imminnut sanilliunneqarnerat (mio. koruunit)

Najooqqutarisaq: MIT, 2018.

7. 2022-IMI INGERLATSINERMI MISSINGERSUUTIT

7.1 Ingerlatsinermut missingersuutinut aallaqqaasiut

Narsarsuarmi Mittarfik 2016-imi 7 mio. koruuninik sinneqartoorfiusumik ingerlatsinermi angusaqpoq, taamaalillunilu MIT-ip sinneqartoorutaannut tamarmiusunut iluaqtaalluni. Angusat sinneqartoorfiusut taakkua illuatungaani Narsarsuup, Nuup aamma Kangerlussuup akornanni tapiiffigineqanngitsumik angallavinni, illuatungaani Kujataani qulimiguulinnut mittarfippassuarnut ingerlaqqilluni attaveqarnermi, kingulliullugu taaneqartumut Namminersorlutik Oqartussanit kiffartuunneqarnissamut isumaqatigiissutit tunngavigineqarlutik, Narsarsuup akunniffiuneranit mittarfimmut akitsuutinit annertuumik pissarsiarineqarput.

Narsarsuarmi mittarfimmut akunnittarnerup Qaqortumut nuutinneratigut, siusinnerusukkut oqaatigineqareersutut, ilaasut amerlassusaanni uuttorgulu, Kujataani timmisartumik angallannerup affaa sipaardeqassaaq, aammalu Narsarsuarmi mittarfik assartuussineq isigalugu pisariaaruttussaalluni.

Kisiannili Narsarsuup nunaqarfittut ilanggullugulu takornariat ornigassaattut atatiinnarneqarnissaa, politikkikkut kissaatigineqarpoq. Politikkikkut siunnerfigineqartup taassuma piviusunngortissinnaanissaanut aalajangiinissamut tunngavissanut ilassuteqarniarluni, ingerlatsinermut missingersuutit matuma kingornaniittut sularineqarput.



7.2 Tunngavigineqartut

Immikkoortumi matumani Narsarsuarmi mittarfimmut, nutaamik mittarfiit ilusiligaanerat piviusunngussappat, ingerlatsinermut missingersuutit naatsorsuutigineqartut nassuarneqarput. Ingerlatsinermut missingersuutinut periarfissatut ilusiliat pingasut taakkua arlaat piviusunngortinneqassanersoq apeqqutaavoq. Mittarfeqarfiit naatsorsuutaanni kisitsisit 2016-imeersut, periarfissatut ilusilianut tamaginnut ingerlatsinermi isertitassatut aamma aningaasartuutissatut naatsorsuutigineqartut missingersorneqarnerannut atorneqarput.

Tamatuma kingunerisaanik ingerlatsinermut missingersuutit siunissamut tunngavissaritaasunik naatsorsuutigisanillu arlalinnik tunngaveqarput, taamaattumillu suliap pissusissamisornerani nalorninartortaqarlutik.

7.2.1 Periarfissatut ilusiliaq 1-3-imut ingerlatsinermut tunngavigisat

Periarfissatut ilusiliaq 1-3-imi naatsorsuutini allattukkat tamarmik immikkut (imaluunniit allattukkat ataaniittut) ilaasut amerlassusaat, mittarfiup takissusaa illuutit pisariaqartinneqartut tassunga atasussat ilanggulligit, apeqqutaatillugit nalilersorneqarput imaluunniit MIT-imit nammineq naliliineq aallaavagineqarluni. Naatsorsuutini allassimasoq ilaasut amerlassusaannit imaluunniit mittarfiup angissusaanit aqunneqarnersoq, Rambøll-imit missiliuineq aallaavagineqarpoq.

Pissusiviusuni naatsorsuutini allattukkani amerlasuuni, ilaasut amerlassusaat imaluunniit mittarfiup takissusaa, ersarissumik apeqqutaanngilaq, kisianni taakkua ataqatigiissinneqarnerusussaallutik. Aningaasartuuteqarfiusut marluk 'ingerlatsinermut aningaasartuut' aamma 'iluarsaassinerit aamma aserfallatsaaliuineq' tamanna pissutigalugu naatsorsuineri allattukkat ataanni nassuarneqarput, ilaasut amerlassusaannit imaluunniit mittarfimmi mittarfiup aamma atortut angissusaannit aqunneqarnerat nalilersorneqararluni.

Takussutissiaq 7-imni naatsorsuutini allattukkat misissorneqartut takutinneqarput.

Allattukkani ataasiakkaani tamaginni allanneqarpoq, uuttuit suna ineriertorermut pitsaanerpaamik nassuaaviunersoq, aamma ukiumut amerlinerit, piffissami misissueqqissaarfiusumi 2042-mut naatsorsuutigineqarnersut takutinneqarluni. Naatsorsuinerni naatsorsuutigineqarpoq Qaqortumi mittarfik 2022-imni atorneqalersinnaassasoq.

Allattukkat	Aningaasartuuteqarfiusoq	Ukiumut siuariarneq
Isertitat		
Mittarfimmi akitsuutit	Ilaasut	1,8 pct.
Tunisineq ikummatisaq	Ilaasut	1,8 pct.
Tunisineq assigiinngitsut	Ilaasut	1,8 pct.
Tunisineq akunnittarfimmi pisiniarfik	Ilaasut	1,8 pct.
Tunisineq nammineq suliaqarnermi	Ilaasut	1,8 pct.
Attartortitsinermit isertitat	Ilaasut	1,8 pct.
Ingerlatsinermermi isertitat allat	Ilaasut	1,8 pct.
Aningaasartuutit		
Nloqquissanik atuineq	Ilaasut	1,8 pct.
Ingerlatsinermut aningaasartuutit	Mittarfik/ilaasut	0,9 pct.
Allaffissorneq	Ilaasut	0,0 pct.
Ilinniartitaanermut aningaasartuutit	Ilaasut	1,8 pct.
Avataaniit sullissinerit	Ilaasut	0,0 pct.
Iluarsaassineq & aserfallatsaaliuineq	Mittarfik/ilaasut	0,0 pct.
Pisinerit	Ilaasut	0,9 pct.
Sulilluni angalancerit	Ilaasut	0,9 pct.
Sulisunut aningaasartuutit	MIT-imit naliliineq	1,8 pct.
Aningaasalersuineq	Ilaasut	0,0 pct.
Aningaasartuutit allat	Ilaasut	0,0 pct.

**Takussutissiaq 7: Mittarfeqarfiit naatsorsuutaanni allattukkat aallaavigalugit isertitat aamma
ingerlatsinermermi ilmagisat**

Nunap immikkoortuani angallanneq Qaqortumut nuutinneqarpat, siusinnerusukkut oqaatigineqareersutut, Narsarsuarmi mittarfimmi ukiumut ilaasut 3.000-it missaanniissasut missingersuisoqarpoq. Taamaattoq sumiiffimmi takornariartitsisarnikkut ineriertortitsineq apeqqutaalluni taanna kisitsit qaffasinnerusinnaavoq.

Ilaasut amerlassusaat taanna maannakkut Kalaallit Nunaanni mittarfinnut sanilliukkaanni, Paamiuni Mittarfik 6.000-it missaanni ilaasoqartartoq, ilaasut amerlassusaannut tunngatillugu mittarfinni sanilliukkuminarnersaavoq. Naatsorsuutini allassimasumut ilaasut amerlassusaat apeqqutaatillugu naliliisoqartillugu, allassimasumti tassani aningaasartuutit, mittarfimmuit annertussutsimigut naapertuutumut ilaasumut ataatsimut aningaasartuutaasartut annertussusii malillugit iluarsineqarput, aammalu mittarfiup annertussutsimigut naapertuutup aammalu periarfissatut ilusiliami pineqartumi Narsarsuarmi mittarfimmi naatsorsuutigisat assigiinngissutaannut iluarsineqarluni.

Ingerlatsinermut aningaasartuutit ilaannut tunngatillugu, mittarfiup angissusaa kiisalu illuutit amerlassusaat, timmisartumik angallannerup attatiinnarnissaanut aammalu timmisartut assigiinngitsunik angissusillit missinnaanissaanut pisariaqartoq nassuarneqarsinnaaneruserput. Naatsorsuutini allattukkani, mittarfiup angissusaa malillugu inissisimasut naatsorsuutigineqartuni, Kalaallit Nunaanni mittarfik taamaaqataanik angissusilimmik mittarfeqartoq aallaavagineqarpoq. Mittarfimmi taamaaqataanik angissuseqartumi mittarfimmut kvadratmeterimut aningaasartuutit, Narsarsuarmi mittarfiup angissusaa malillugu iluarsineqarput, tassani mittarfiit angissusaat marluk taakkua tamakkiisumik imminnut naapertuutinngitsoorsinnaallutik.

- 7.3 Innuttaasut amerlassusaat aamma MIT-imi sulisut amerlassusaat pillugit immikkut**
Sulisut amerlassusaat, taamaalillunilu aningaasarsianut aningaasartuutit ingerlatsinermut naatsorsuutini immikkut annertuuujupput. Innuttaasut amerlassusaanni aammalu Narsarsuarmi mittarfimmi MIT-imi sulisut amerlassusaanni ineriertornermut tunngatillugu, ineriertorneq manna naatsorsuutigineqarpoq:

Periarfissatut ilusiliaq/ Mittarfiup takissusaa	Innuttaasut sulisut amerlassusaannut sanilliullugu	Taakkunanna MIT-imi sulisut
Periarfissatut ilusiliaq 0	126	60 (L24 H26 F10)
Periarfissatut ilusiliaq 1	58	28 (L18 H0 F10)
Periarfissatut ilusiliaq 2	42	20 (L10 H0 F10)
Periarfissatut ilusiliaq 3	21	10 (L1 H0 F9)

Takussutissiaq 8: Periarfissatut ilusiliani tamaginni innuttaasut amerlassusaat aamma MIT-imi sulisut

Nassuaat: L=Mittarfik, H=Akunnittarfik, F=Pilersuinerlik suliaqarneq

Najooqutarisaq: MIT aamma Rambøll missingersuineri.

Sulisut amerlassusaat mittarfimmut ingerlatsinermut naatsorsuutini aningaasarsianut aningaasartuutit ilaatinneqarpoq, sulisumut ataatsimut agguaqatigiissillugu ukiumut aningaasarsiat DKK 300.000 aallaavagineqarlutik. Innuttaasut amerlassusaat MIT-ip illuutinut naatsorsuutaanni ilaapput, tassani naatsorsuutigineqarluni MIT-ip inissiataasa innuttaasunut kiserngoruttunut atorneqaannassasut.

**7.4 Periarfissatut ilusiliani taakkunani ingerlatsinermut missingersuutinut
takussutissiaq**

Ilimagisat matuma siuliani allassimasut periarfissatut ilusiliani tamaginnut ingerlatsinermut missingersuutit uppernerri tulliuttuni takutinneqartunut pissutaapput. Tarmatuma saniatigut periarfissatut ilusiliaq 0 Narsarsuaq ullumikkutut ingerlanneaannarluni, sanilliussassatut takutinneqarpoq.

Periarfissatut ilusiliaq:	Periarfissatut ilusiliaq 0: 1.830 m	Periarfissatut ilusiliaq 1: 1.830 m	Periarfissatut ilusiliaq 2: 799 m	Periarfissatut ilusiliaq 3: Qulimiguulinnut mittarfik
Isertitat				
Mittarfimmut akitsuutit	21.919	1.325	1.325	292
Tunisineq, ikummatisaq	14.852	166	166	51
Tunisineq, assigiinngitsut	5.743	66	66	-
Tunisineq, akunnitarfimmi pisiniarfik	10.111	-	-	-
Tunisineq, nammineq suliaqarneq	28.123	-	-	-
Attartortitsinermit Isertitat	6.574	45	45	23
Isertitat allat	-	-	-	-
Isertitat katillugit	87.321	1.602	1.602	366
Aningaasartuutit				
Nioqquqtiisanik atuiueq	-28.335	-167	-167	-42
Ingerlatsinermut aningaasartuutit	-17.040	-488	-443	-61
Allaffissorneq	-1.844	-38	-38	-12
Ilinniartitaanermut aningaasartuutit	-262	-101	-101	-5
Kiffartuussissutit	-2.183	-132	-132	-7
Iluarsaassineq & aserfallatsaaliiuineq	-5.690	-5.529	-431	-45
Pisinerit	-1.208	-84	-84	-7
Sulilluni angalanelrit	-542	-101	-101	-5
Sulisunut aningaasartuutit	-22.502	-10.501	-7.501	-3.751
Aningaasalersuineq	-311	-10	-10	-
Aningaasartuutit allat	-	-	-	-
Aningaasartuutit tamarmiusut	-79.917	-17.151	-9.008	-3.933
Ingerlatsinermi angusat	7.404	-15.549	-7.406	-3.568

**Takussutissiaq 9: Periarfissatut ilusiliiani ataasiakkaani 2022-imí ingerlatsinermut missingersuutit
(tusind koruunit)**

7.5 Periarfissatut ilusilianut ataasiakkaanut ingerlatsinermut missingersuutit nassuiardeqarnerat

7.5.1 Periarfissatut ilusiliaq 0: Narsarsuarmi mittarfik (Imarpik qulaallugu timmisartunut mittarfik; 1828 m x 45 m)

Periarfissatut ilusiliaq 0-imi maannakkut mittarfilt ilusiligaanerat attatiinnarneqassappat, 2022-imi Narsarsuarmi mittarfimmut periarfissatut ilusilianut allanut sanilliullugu ingerlatsinermut missingersuutit nassuiardeqarput. Ingerlatsinermi angusani allattukkat tamarmik piffissami siuariartortitsinissamut naatsorsuutigineqartoq 1,8 procent malinneqarpat, Narsarsuarmi mittarfimmut sinneqartoorutit 2022-imi 7 mio. koruunit missaanniissasut naatsorsuutigineqarpoq.

7.5.2 Periarfissatut ilusiliaq 1: Narsarsuarmi mittarfik (Imarpik qulaallugu timmisartunut mittarfik; 1828 m x 45 m) Qaqortumi 1500 meterimik mittarfittalimmik nutaamik mittarfeqarluni

Isertitanut tunngasut Paamiuni ilaasumut ataatsimut isertitat 2022-imi akinut siumut naatsorsorlugu atorneratigut aalajangerneqarput. Maannakkut Narsarsuarmi mittarfiusumi ingerlatat annertussusaat soorunami Paamiuni pisunit annertunerujussuupput, kisianni naatsorsuutigineqarpoq Qaqortumi nutaamik mittarfeqalerluni angallannerup ilusaa nutaaq atuutilerpat, siunissami Narsarsuarmi mittarfimmi angallannerup annertussusaa 'Paamiut annertoqqataanut' annikillissasoq.

Ingerlatsinermut, iluarsaassinernut aserfallatsaaliuinermullu aningaasartuutinut, mittarfiup angissusaa malinneqartoq ilimagineqarpoq aammalu Narsarsuarmi Mittarfimmi mittarfimmut kvadratmeterimut maannakkut aningaasartuutaasartut, 2022-imi aningaasartuutinut siumut naatsorsorlugit, atorlugit aalajangerneqarlutik. Aningaasartuutini sinneruttuni ilaasumut ataatsimut Paamiuni nalunaarsorneqartumut aningaasartuutit malinneqartut naatsorsuutigineqarpoq. Sulisunut aningaasartuutini, MIT-ip mittarfiup takissusaani aamma ilaasut amerlassusaanni sulisoqarnissamut naatsorsuutigisai malinneqarput.

7.5.3 Periarfissatut ilusiliaq 2: Narsarsuarmi mittarfik (nunap immikkoortuani mittarfik; 799 m x 30 m) Qaqortumi 1500 meterimik mittarfittalimmik nutaamik mittarfeqarluni

Isertitanut tunngasut Paamiuni ilaasumut ataatsimut isertitat 2022-imi akinut siumut naatsorsorlugu atorneratigut aalajangerneqarput. Tamatuma kingunerisaanik isertitat periarfissatut ilusiliaq 1-ip taamaaqatigai.

Ingerlatsinermut, iluarsaassinernut aserfallatsaaliuinermullu aningaasartuutinut, mittarfiup 799 meteritut angissusaa malinneqartoq ilimagineqarpoq aammalu Paamiuni Mittarfimmi mittarfimmut kvadratmeterimut maannakkut aningaasartuutaasartut atorlugit, 2022-imi aningaasartuutinut siumut naatsorsorlugit aalajangerneqarlutik. Aningaasartuutini sinneruttuni ilaasumut ataatsimut aningaasartuutit Paamiuni pisut malinnissaat naatsorsuutigineqarpoq. Sulisunut aningaasartuutini, MIT-ip mittarfiup takissusaani aamma ilaasut amerlassusaanni sulisoqarnissamut naatsorsuutigisai malinneqarput.

7.5.4 Periarfissatut ilusiliaq 3: Narsarsuarmi mittarfik (qulimiguulinnut mittarfik) Qaqortumi 1500 meterimik mittarfittalimmik nutaamik mittarfeqarluni

Periarfissatut ilusiliaq 3-mi maannakkut mittarfiusup iluani qulimiguulinnut mittarfiliisoqassaaq. Isertitat aamma aningaasartuutit Narsami aamma Nanortalimmi ilaasumut ataatsimut isertitat 2022-mi akigitinanut siumut naatsorsuutit, atorlugit aalajangerneqarput. Ilaasut amerlassusaat periarfissatut ilusiliaq 1-imi aamma 2-mi nassuiardeqartut assingi naatsorsuutigineqarput, kisianni aallarnermut ilaasunullu akitsuutip appasinnerunera pissutigalugu, nalinginnaasumik timmisartumik angallassisarnermit qulimiguulinnut mittarfimmik ingerlatsinermi isertitat annikinnerupput. MIT-ip akigitinanut

malittarisassiaanni allassimavoq, qulimiguulimmut aallarnermut akitsuut timmisartumut akigititap 42 procenterigaa, aammalu qulimiguulinnut ilaasunut, ilaasumut akitsuut timmisartumut akitsuutip 60 procenteralugu.

Ingerlatsinermut aningaasartuutinut MIT-ip sulisorisanut aningaasartuutinut naatsorsuutigisai aammalu missiliuineq allattukkut sinnerini Rambøll-imit suliarineqartoq aallaavagineqarput.

7.6 Ingerlatsinerup inernera allanngortinneqartoq aamma Narsarsuarmi Mittarfimmut tapiissutinik pisariaqartitsineq

Takussutissiaq 10-imu periarfissatut ilusiliaq 1-3-mut ingerlatsinermi angusat eqikkarneqarput. Ingerlatsinermi angusat taakkua 2017-imu maannakkut ingerlatsinermi angusanut + 7 mio. koruunit, Narsarsuarmi mittarfiup aqquaarluni angallannermi suli mifflusarneranut, sanilliunneqarput. Kisiannili Narsarsuarmi mittarfimmi aqquaarluni angallanneq annaaneqassappat, periarfissatut ilusiliat arlaat atuutsinnejalissanersoq apeqqutaalluni, periarfissatut ilusiliani 1-3-ini 2022-imu kisitsisini oqaatigalugu -4 aamma -16 mio. koruunit akornanni ingerlatsinermi angusaqarnissaq Mittarfeqarfiiit naatsorsuutigisinnaavaat.

Takussutissiaq 10-imu aammattaaq takuneqarsinnaavoq, nunap immikkoortuani aamma akunnilluni angallanneq Qaqortumut nuutinnejassappat, maannakkut ingerlatsinermi angusanut 7,0 mio. koruuniusunut sanilliullugu, Narsarsuarmi mittarfimmi ingerlatsinermi sinnejartoortit 2022-imu 11-23 mio. koruuninik appassasut.

	Periarfissatut ilusiliaq 0': 1.830 m	Periarfissatut ilusiliaq 1: 1.830 m	Periarfissatut ilusiliaq 2: 799 m	Periarfissatut ilusiliaq 3: Qulimiguulinnut mittarfik
Ingerlatsinermi angusat mio. koruunit	7	-16	-7	-4
MIT-imut ajorseriarluni ataatsimoortumik angusat	-	-23	-14	-11

Takussutissiaq 10: Periarfissatut ilusiliani 3-ini ingerlatsinerup inernera aamma periarfissatut ilusiliaq 0-imut sanilliussineq 0 (mio. kr.)

7.7 Ingerlatsinermut missingersuutit nalorninartortaat

Erseqqissarneqassaaq, missingersuusiorfinnut ataasiakkaanut missingersuinerit annertuunik nalorninartortaqqarmata, tassami allattukkani amerlasuuni nunaqarfimmi isumaginninnikkut inuussutissarsiornikkullu ingerlatat annertussusaat, minnerunngitsumillu ilaqtariippassuit Narsarsuarmi najugaqaannarnissamik toqqaasanersut apeqqutaammata. Maannakkut mittarfimmi sulisut ikinnerusut Qaqortumi mittarfimmi nutaami sulilissasut ilimanarsinnaavoq.

8. MISSINGERSUUTINI ANINGAASAQARNIKKUT MISISSUEQQISSAARNEQ

Immikkoortumi matumani piffissami misissueqqissaarfiusumi periarfissatut ilusilianut pingasunut taakkununnga missingersuutini aningaasaqarnikkut sunniutaasussat saqqummiunneqarput, tassani mittarfiit nutaamik ilusiligaanerat 2022-imiit atorneqarsinnaalissasoq naatsorsuutigineqarluni. Tamatuma kingunerisaanik sanaartornermut, ingerlatsinermut aserfallatsaaluiinermullu aningaasartuutit kiisalu isertitat piffissaq misissueqqissaarfiusoq tamaat periarfissatut ilusiliiani tamaginni nassuarneqarput. Naatsorsuinerit ukiumoortumik suliarineqarput aammalu piffissamut 2018 aallarnerfigalugu piffissamut misissueqqissaarfiusumut ataatsimoortinneqarlutik. Taamaalilluni misissueqqissaarnermi tassani sanaartornermut aningaasartuutit kiisalu MIT-imi ingerlatsinermi sinneqartoortut imaluunniit ingerlatsinermi amigartoortut malitsigisaannik periarfissatut ilusiliiani pingasuni taakkunani tamaginni immikkut Nunap karsiata ingerlaavartumik aningaasaqarnikkut sunnerneqarnissaa takutinneqarpoq. Ingerlatsinermi angusat amigartoorteqarfiusinnaanerannut atatillugu ernianut aningaasartuutaasinnaasut ilaatinneqanngillat.

Taamatuttaaq Kiffartuunneqarnissamut isumaqatigiissutit aningaasartaasa sipaardeqartut kiisalu piffissaq angalaffiusoq sipaardeqartoq missingersuutini aningaasaqarnikkut misissueqqissaarnermi ilaatinneqanngillat, kisianni Kujataanut angallannerup nutaamik ilusiligaanerani ataatsimoortumut inuiaqatigiit aningaasaqarneranni misissueqqissaarnermi siusinnerusukkut taaneqartumi ilaatinneqarluni.

Sanaartornermut aningaasartuutini, ingerlatsinermi isertitani aamma ingerlatsinermut aningaasartuutini tunngavigisat immikkoortoq 5-imi aamma 7-imi nassuarneqartut aallaavagineqarput.

8.1 Tunngavigineqartut

Misissueqqissaarnermi tunngaviusut "Inuiaqatigiit aningaasaqarneranni sunniutaasussanik nalilersuinernik suliaqarnernut ilitsersuummi" 2014-imi Aningaasaqarnermut Nunamullu Namminermut Naalakkersuisoqarfimmit saqqummersinneqartumi nassuarneqartut malinneqarput.

Missingersuutini aningaasaqarnikkut misissueqqissaarnermi periarfissatut ilusiliat misissuiffigineqartut akimorlugit tunngavigisat nalinginnaasut arlallit atorneqarput. Tunngavigisat nalinginnaasut taakkua Takussutissiaq 11-imi takuneqarsinnaapput.

Akit annertussusaat	2018-imi akit aalajangersimasut
Piffissaq misissueqqissaarfiusoq	2018-2042
Piffissaq ingerlatsiviusoq	2022-2042
Piffissaq sanaartorfiusoq	2018-2042
Ukiumut ilaasut amerlinerat	1,8 pct.


Takussutissiaq 11: Tunngavigineqartut nalinginnaasut

8.2 Periarfissatut ilusilianut pingasunut taakkununnga akiliisinnassuseqarnermut missingersuutit

8.2.1 Periarfissatut ilusiliaq 1: Mittarfiup takissusaata attatiinnarneqarpoq

Ilusiliami matuma kingulianiittumi piffissaq misissueqqissaarfiusoq tamaat periarfissatut ilusiliaq 1-im, mittarfiup takissusaata attatiinnarneqarnerani, kisiannili nutaamik mittarfinnik ilusiliineq pissutaalluni ilaasunik tunngavissaarunnermi sanaartornermut aningaasartuutit, ingerlatsinermut aningaasartuutit kiisalu ingerlatsinermi isertitat ingerlaavartut takutinneqarput. Tamatuma saniatigut piffissamut misissueqqissaarfiusumut mittarfiup takissusaata taassuma atuutsinneqarnerani sunniinerit tamarmiusut takuneqarsinnaapput.

Ilusiliaq 4-mi takuneqarsinnaavoq, periarfissatut ilusiliami tassani piffissami misissueqqissaarfiusumi Kalaallit Nunaanni nunap karsia amigartoorfiusumik sunnerneqassasoq. Tamatumunnga pissutaavooq, piffissap misissueqqissaarfiusup iluani isertitat sanaartornermi ingerlatsinermilu aningaasartuutinit qaffasinnerunninginnerat. Piffissap misissueqqissaarfiusup naanerani ingerlatsinermut angusat tamarmiusut -483 mio. koruuniupput.




Ilusiliaq 4: Periarfissatut ilusiliaq 1-imut sanaartornermut aningaasartuutit, ingerlatsinermut aningaasartuutit, ingerlatsinermi isertitat kiisalu ingerlatsinerup inernera tamarmiusoq

8.2.2 Periarfissatut ilusiliaq 2: Mittarfiup takissusaata annikillisinneqarpoq

Ilusiliami matuma kingulianiittumi piffissami misissueqqissaarfiusumi periarfissatut ilusiliaq 2-mi, mittarfik 799 meterimut annikillineqarsimalluni sanaartornermut aningaasartuutit, ingerlatsinermut aningaasartuutit kiisalu ingerlatsinermi isertitat ingerlaavartut takutinneqarput. Tamatuma saniatigut piffissamut misissueqqissaarfiusumut mittarfiup takissusaata taassuma atuutsinneqarnerani Nunap karsianut sunniinerit tamarmiusut takuneqarsinnaapput.

Ilusiliaq 5-im takuneqarsinnaavoq, piffissami misissueqqissaarfiusumi tamarmi ingerlatsinermut missingersuutit tamarmiusut appassasut. Tamatuma kingunerisaanik periarfissatut ilusiliaq 2 aamma sinneqartoorfiusumik katillugit missingersuutini aningaasaqarnikkut inerneqanngilaq. Piffissap misissueqqissaarfiusup naanerani ingerlatsinermut angusat tamarmiusut -234 mio. koruuniupput.




Ilusiliaq 5: Periarfissatut ilusiliaq 2-mut sanaartornermut aningaasartuutit, ingerlatsinermut aningaasartuutit, ingerlatsinermi isertitat kiisalu ingerlatsinerup inernera tamarmiusoq

8.2.3 Periarfissatut ilusiliaq 3: Qulimiguulinnut mittarfik

Ilusiliami matuma kingulianiittumi piffissaq misissueqqissaarfiusoq tamaat periarfissatut ilusiliaq 3-mi, mittarfik qulimiguulinnut mittarfinngorluq allanngortinneqarsimalluni, sanaartornermut aningaasartuutit, ingerlatsinermut aningaasartuutit kiisalu ingerlatsinermi isertitat ingerlaavartut takutinneqarput. Tamatuma saniatigut piffissamut misissueqqissaarfiusumut qulimiguulinnut mittarfiup piviusunngortinneqarnerani sunniinerit tamarmiusut takuneqarsinnaapput.

Ilusiliaq 6-imik takuneqarsinnaavoq, piffissami misissueqqissaarfiusumut tamarmi ingerlatsinermut missingersuutit tamarmiusut appassasut. Periarfissatut ilusiliat siuliisa marluk taamaaqataanik, periarfissatut ilusiliaq 3 taamaalilluni aamma sinneqartoorfiusumik ataatsimut katillugu missingersuutini aningasaqarnermi inerneqanngilaq. Piffissap misissueqqissaarfiusup naanerani ingerlatsinermut angusat tamarmiusut -102 mio. koruuniupput. Taanna periarfissatut ilusiliat pingasut taakkua imminnut sanilliunneqarpata, appasinnerpaamiippoq.




Ilusiliaq 6: Periarfissatut ilusiliaq 3-mut sanaartornermut aningaasartuutit, ingerlatsinermut aningaasartuutit, ingerlatsinermi isertitat kiisalu ingerlatsinerup inernera tamarmiusoq

8.3 Periarfissatut ilusilianut pingasunut taakkununnga akiliisinnaassuseqarnermut missingersuutit imminnut sanilliunneqarnerat

Ilusiliami matuma kingulianiittumi periarfissatut ilusilianut pingasunut taakkununnga ingerlatsinermi angusat tamarmiusut ataqtigiiissinneqarput. Tassani takuneqarsinnaavoq periarfissatut ilusiliat misissorneqartut taakkua assigiiginnangajattumik ineriaortortut. Periarfissatut ilusiliaq 0 (ullumikkutut) piffissami misissueqqissaarfiusumi tamarmi qaffakkiartortoq, mittarfiit nutaamik ilusiligaallutik periarfissatut ilusiliani pingasuni taakkunani Kalaallit Nunaanni nunap karsia annertuumik sunnerneqartoq misigineqartussaavoq, periarfissatut ilusiliani misissorneqartuni arlaannaanniluunniit piffissap misissueqqissaarfiusup iluani sinneqartooruteqartutut isikkulimmik malugisaqartoqarani.

Tamatuma saniatigut, periarfissatut ilusiliaq 3, mittarfiit nutaamik ilusiligaanerisa atuutsinneqalernerani periarfissatut ilusiliani pingasunit taakkunannga, Kalaallit Nunaanni nunap karsianut annikinnerpaamik sunniisitsissasoq ilusiliami takuneqarsinnaavoq.



Ilusiliaq 7: Periarfissatut ilusiliani pingasuni ingerlatsinermut missingersuutit tamarmiusut ukiumut sanaartornermut aningaasartuutit, ingerlatsinermut aningaasartuutit kiisalu ingerlatsinermi isertitat aallaavigalugit


9. ANINGAASAQARNIKKUT MISISSUEQQISSAARNEQ

Immikkoortumi matumani immikkoortoq 8-mit missingersuutini aningaasaqarnikkut misissueqqissaarnermit ilimagisat tunngavilersoqqinnejarpuit, tassani aningaasartuutini isertitanilu missingersuusiorneqartuni maannakkut naliusoq (2018 aallartinnerani naatsorsorneqartoq), periarfissatut ilusilianut pingasunut taakkununnga tamaginnut naatsorsorneqarluni.

Maannakkut naliusoq qaffasinnerpaaq, mittarfiit nutaamik ilusiligaanerat piviusunngussappat Narsarsuarmi mittarfimmuit periarfissatut ilusiliiani iluaqtissartaqnerpaajuvooq. Tassani ingerlatsinermi aningaasaqarnikkut misissueqqissaarneq immikkut Narsarsuarmi Mittarfimmuinnaq tunngatinneqartoq pineqarpooq, tassani Kalaallit Nunaanni mittarfinni allani aningaasartuutit aamma isertitat nalilersuinerni ilaatinneqaratik. Taamaalilluni Qaqortumi mittarfimmuit nutaamut aningaasaliinerit aamma ingerlatsinermi angusassatut naatsorsuutigineqartut naatsorsuinerni ilaatinneqanngillat. Kisianni paarlattuanik Narsarsuaq Inuiaqatigiit aningaasaqarnerannik misissueqqissaarnermi alloriarneq 2-imi qulimiguulinnut mittarfiunissaa pillugu naatsorsuinerit ilaatinneqarput.

9.1 Sanaartornermut aningaasartuutit

Ilusiliaq 8-imi takutinneqarpooq piffissami 2023-2032-mi periarfissatut ilusiliiani ataasiakkaani tamaginni sanaartornermut aningaasartuutit qanoq agguarsimanersut. Ilusiliami takuneqarsinnaavoq piffissami 2019-2026-mi sanaartornermut aningaasaliinerit annertunerpaartai appartussaasut. Piffissap sanaartorfiusup ingerlanerani aningaasartuutit tamarmiusut taamaaqataanik tassaapput sanaartornermut iluarsaassinermillu aningaasartuutit immikkoortoq 6-imi takuneqarsinnaasut.



Ilusiliaq 8: Sanaartornermut aningaasartuutit piffissanut sanaartorfiusussanut aamma periarfissatut ilusilianut agguarlugit

Piffissaq atuuffissaa, piffissamit misissueqqissaarfiusumit sivikinnerusimappat aningaasaleeqqittooqassaaq. Illuutini aamma ikkussukkani aningaasaleeqqinnerit, pitsaassutsit pisinnaasallu angunissaannut aningaasaleeqqaarnerit taamaaqataannik taamaallaat aningaasaliernut aningaasartuutaqqaartut 50 procenterisariaqaraat ilimagineqarpooq. Tamatuma saniatigut ilimagineqarpooq aningaasaleeqqinnej sanaartugaaqqaartup taamaaqataanik piffissap ingerlanerani pisinnaassasoq.

Misissueqqissaarnermi sanaartornermut aningaasaliinerit nalingini sinneruttoq piffissamit misissueqqissaarfiusumit atorneqartumit sivisunerusumik atuuffissaqartoq ilaatinneqarpoq. Sanaartukkat nalingini sinneruttoq piffissap atuuffissaata ilimagineqarnera kiisalu piffissami atuuffissaanni pigisat assigimmik nalikillilerneqartarnerat pillugu tunngaviusut tunngavigalugit naliliiffigineqarpoq.

Atortut	Piffissaq atuuffissaa / ukioq manna piffissaq nalikilliliiviusussaq
Mittarfik, qalliutit *	30
Mittarfik, qaammaqqutit aamma HSP-eqarfiit, ajornartoornermi generatori	30
Pilersuiffit; Innaallagiaq, imeqarneq aamma kiassarneq	30
Pilersuiffit; ikummatisaq	30
CNS	10
Illuutit, mittarfimmut attuumassuteqartut	30
Illuutit; akunnittarfik	30
Mittarfeqarfiit sulisunut inissiaataat	30
Illuutit allat, Mittarfeqarfinnit pigineqartut	30
Ingerlatsinermut atortut	20
Iliuuseqarnermut orsorsornermullu atortut	20

Takussutissiaq 12: Sanaartornermut tunngavissarititaasut

Najoqqutarisaq: Mittarfeqarfiit ilimagisaat kiisalu *Sweco aamma Rambøll.

Sanaartornermut aningaasartuutit agguardeqarnerat kiisalu sanaartornermi tunngavigineqartut nalinginnaasut siusinnerusukkut nassuiarneqartutut atorneqarpata sanaartornermut aningaasartuutit 2018-imi nalingat (maannakkut naliusoq) Takussutissiaq 13-imi takutinneqartutut issaaq. Sanaartornermut aningaasartuutit sanaartornermut aningaasartuutaaqqaartunut, aningaasaleeqqinnernut kiisalu sanaartukkap piffissaq atuuffissaa sinneqarluni nalinganit sinneruttumut agguardeqarput.

Periarfissatut ilusiliaq	Sanaartornermut aningaasartuutit (NPV 2018, mio. koruunit)
Periarfissatut ilusiliaq 1	-67
Periarfissatut ilusiliaq 2	-35
Periarfissatut ilusiliaq 3	-8

Takussutissiaq 13: Periarfissatut ilusilianut tamaginnut sanaartornermut aningaasartuutit 2018-imi nalingat atorlugu (maannakkut naliusoq)

Nassuaat: Sanaartornermut aningaasartuutaaqqaartunlik kiisalu aningaasaleeqqinnernik imaqarpoq. Tamatuma saniatigut naliusup sinnera ilanngaatigineqarpoq.


9.2 Ingerlatsinermi angusat

Aningaasaqarnikkut misissueqqissaarnermi isertitani aamma aningaasartuutini ilmagisat immikkoortoq 7-imi saqqummiunneqartut aallaavigineqarput, periarfissatut ilusiliani tamaginni 2022-mi isertitassatut aningaasartuutissatullu naatsorsuutigineqartut tassani nassuiarneqarlutik. 2022-mi isertitassat aningaasartuutissallu tunngavigalugit, siunissami isertitassatut aningaasartuutissatullu naatsorsuutigineqartut aalajangerneqarput.

Naatsorsuutini allattukkat tamarmik immikkut aningaasartuutitut aalajangersimasutut imaluunniit aningaasartuutitut allanngorartutut marlunnik suussuseqartutut nalilorsorneqarput.

Aningaasartuutit allanngorartut mittarfimmi pisinnaasat atorneqannginnerat pissutaalluni ukiumut 0,9 procentimik (ilaasut amerlassusaasa qaffannissaatut naatsorsuutigineqartup affaatut annertussusilimmik) imaluunniit mittarfimmi pisinnaasanik atorneqanngitsoqassasoq ilimagineqanngimmattuk ukiumut 1,8 procentimik (ilaasut amerlassusaasa qaffannissaatut naatsorsuutigineqartup affaatut annertussusilimmik) qaffassasut naatsorsuutigineqarpoq. Aningaasartuutit aalajangersimasut piffissaq misissueqqissaarfiusok tamaat taamaaginnassapput. Takussutissiaq 7-imni naatsorsuutini allattukanut tamaginnut qaffariartornissamut naatsorsuutigisat takutinneqarput.

Naatsorsuutigisat taakkua atuutsillugit Ilusiliaq 9-imni takutinneqartutut ingerlatsinermi angusat ukumiit ukiumit anguneqassapput. Taakkunani takuneqarsinnaavoq, naatsorsuutigisat piffissaq misissueqqissaarfiusok tamaat periarfissatut ilusilianian 1-3-ini ingerlatsinermi angusat amigartoorteqartitsut. Periarfissatut ilusilianian 1-3-ini piffissap misissueqqissaarfiusup ingerlanerani ingerlatsinermi angusat appariartortussaapput, tassani isertitat annikitsuinnarmik qaffakkiartornerat aningaasartuutit qaffakkiartornerannut illuatungiliinissamut taamaalillunilu sinneqartoofiusumik inerneqartitsinissamut naammannani.



Ilusiliaq 9: Periarfissatut ilusilianut ataasiakkaanut tamaginnut piffissami misissueqqissaarfiusumi ingerlatsinermi angusat

Takussutissiaq 14-imni piffissami misissueqqissaarfiusumi 2018-2042-imni periarfissatut ilusilianian misissorneqartuni ingerlatsinermi angusat 2018-mi nalingat (maannakkut naliusoq) takutinneqarpoq. Aammattaaq takussutissiani takuneqarsinnaavoq, periarfissatut ilusilianian tamaginni ingerlatsinermi angusat maannakkut nalingat sinneqartoofiusumik inerneqartoq.

Ingerlatsinermi angusat Narsarsuarmi mittarfimmi piffissami 2018-2022-imni akunnilluni angallannerup Qaqortumut nuutinneqannginnerani, periarfissatut ilusilianian tamaginni sinneqartoofiusumik ingerlatsinermi angusaqarnermit sunnerneqarput. Takuneqarsinnaavoq ingerlatsinermi angusani maannakkut naliusoq, mittarfiup takissusaata atuutsinnejalersup naannerulerterani amigartoorteqarfiunnginnerulertertussaasoq.

	Periarfissatut ilusiliaq 1: 1.830 m	Periarfissatut ilusiliaq 2: 799 m	Periarfissatut ilusiliaq 3: Qulimiguulinnut mittarfik
Ingerlatsinermut aningaasartuutit	-427	-377	-315
Aserfallatsaaliuineq	-89	-26	-21
Ingerlatsinermi isertitat	306	306	288
Katillugit	-210	-96	-48

**Takussutissiaq 14: Isertitanut aamma ingerlatsinermut aningaasartuutinut maannakkut naliusoq
(NPV 2018 mio. koruunit)**

Najoqqutarisaq: Mittarfeqarfinnit naatsorsuutini kisitsisit aamma Rambøll-ip misissueqqissaarnera.

9.3 Aningaasaqarnikkut inernera

Aningaasaqarnikkut misissueqqissaarnerup inernerri Takussutissiaq 15-im
takuneqarsinnaapput. Tassani takuneqarsinnaavoq periarfissatut ilusiliaq 3-im
qulimiguulinnut mittarfiup atuutsinneqalernerani angusani maannakkut naliusoq,
sanaartornermut aningaasartuutit, ingerlatsinermut aningaasartuutit taamatullu
ingerlatsinermi isertitat sillimaffigineqarpata, angusat pitsaanngitsut annikinnerulerissaasut.
Taamaattoq periarfissatut ilusiliat nutaat misissorneqartut taakkua arlaannaalluunniit
sinneqartoorfiusumik maannakkut naliusumut inerneqangilaq. Tamatuma kingunerisaanik,
ingerlatsinermut aamma sanaartornermut aningaasartuutaalersunut sanilliukkaanni, isertitat
naammattumik qaffassisusilimmik pissarsiviussanngillat.

Isertitat periarfissatut ilusiliat assigiinngitsut akornanni taamaaginnangajammata,
sanaartornermut aningaasartuutinullu tunngasut periarfissatut ilusiliat arlaat
iluaqtissartaqarnerpaajunersoq aalajangiisuussapput. Tamatuma kingunerisaanik mittarfiiit
naannerusut aamma qulimiguulinnut mittarfiiit iluaqtissartaqarnerpaajupput, tassami
taakkua ukiumut appasinnerusunik aningaasartuuteqarfiusussaammat kiisalu
sanaartornermut aningaasartuutit appasinnerpaajussallutik. Tamatuma saniatigut sulisunut
atingaasartuutit aamma inerniliussanut pingaaruteqarput, tassami mittarfik minnerusoq
sulisukinnerunissamik pisariaqartitsimmat, pingartumik qulimiguulinnut mittarfik
pineqartillugu.

	Periarfissatut ilusiliaq 1: 1.830 m	Periarfissatut ilusiliaq 2: 799 m	Periarfissatut ilusiliaq 3: Qulimiguulinnut mittarfik
Sanaartornermut aningaasartuutit	-67	-35	-8
Ingerlatsinermut aningaasartuutit aamma aserfallatsaaliuineq	-516	-403	-336
Ingerlatsinermi isertitat	306	306	288
Katillugit	-277	-131	-56

**Takussutissiaq 15: Periarfissatut ilusiliani tamaginni immikkut maannakkut naliusoq (NPV 2018
mio. koruunit.)**

Najoqqutarisaq: MIT-imit naatsorsuutini kisitsisit aamma Rambøll-ip misissueqqissaarnera.

9.4 Malussarissutsimik misissueqqissaarneq

Misissueqqissaarnermi paassisutissat atorneqartut ilai missiliuinerter aallaaveqarput, taamaattumillu taakkua annertussusaannut tunngatillugu nalorninartortaqarlutik.

Matuma kinguliani malussarissutsimik misissueqqissaarneq ingerlanneqarpoq, makkuninnga allannguiteqarnerani:

- Kingumoortumik naatsorsuinermi ernialiussaq
- Sanaartornermut aningaasartuutit
- 2022-imi ilaasut amerlassusaat

Malussarissutsimik misissueqqissaarneq, NPV nalinga uuttuutini pingasuni nikerarnernut malussarinngitsoq takutinniarlugu, kingumoortumik naatsorsuinermi innialiussaq, sanaartornermut aningaasaliinerni aamma ilaasut amerlassusaanni annertuumik nikerartitsilluni ingerlanneqarpoq.

Allannguutit inernerri uuttuutini erseqqissagaasuniittut Takussutissiaq 16-imi takuneqarsinnaapput.

	Periarfissatut ilusiliaq 1: 1.830 m	Periarfissatut ilusiliaq 2: 799 m	Periarfissatut ilusiliaq 3: Qulimiguulinng mittarfik
Pingaarnerni inerniliussat	-277	-131	-56
Kingumoortumik naatsorsuinermi ernialiussaq 3 pct.	-308	-147	-63
Kingumoortumik naatsorsuinermi ernialiussaq 5 pct.	-249	-117	-49
Sanaartorneq -25 pct.	-256	-120	-53
Sanaartorneq +25 pct.	-298	-142	-58
2022-imi ilaasut -1.000*	-280	-134	-57
2022-imi ilaasut +1.000*	-274	-128	-55
2022-imi ilaasut +5.000*	-262	-116	-51
2022-imi ilaasut + 10.000*	-247	-101	-47

**Takussutissiaq 16: Uttuutini toqqartukkani malussarissutsimik misissueqqissaarneq (NPV 2018
mio. koruunit)**

*Ilaasunut malussarisuunerter aamaallaat ingerlatsinermi angusanut sunniinerit pineqarput. Taamaattoq sanaartornermut missingersuutit ilaasut amerlassusaannit sunnerneqarsinnaanngillat. Tamanna malussarissutsimi tassani ilaatinneqanngilaq.

Takussutissiaq 16-imi kingumoortumik naatsorsuinermi ernialiussami allannguutit misissueqqissaarnerup inernerinut annikitsuinnarmik sunniuteqarsinnaasut, aammalu inerniliussatut pingaarnertut pingaarnertigut inerniliussaqarnermik inerneqarsinnaasoq takutinnejqarpoq.

Sanaartornermut aningaasartuutit, siusinnerusukkut oqaatigineqareersutut Mittarfeqarfiiit naatsorsuineri aallaavigalugit missingersorneqarput, taamaattumillu periarfissatut ilusiliiani aningaasaliinerit annertussusai nalorninartortaqarlutik. Takuneqarsinnaavoq sanaartornermut aningaasartuutit allannguiteqarneri periarfissatut ilusiliiani tamaginni maannakkut naliusumut pingaaruteqartut. Taamaattoq sanaartornermut aningaasartuutit 25 procentimik

annikinnerugaluarpataluunniit, periarfissatut ilusiliat arlaannaalluunniit maannakkut naliusumi sinneqartoornermik inerneqanngillat.

Misissueqqissaarnermi naatsorsuutigineqartoq pingaaruteqartoq tassaavoq ilaasut Narsarsuarmi mittarfimmuit tassanngaanniillu angalasussat amerlassusaat. Ilaasut amerlassusaannut missiliuineq aallaavagineqarpoq, taamaattumillu tunngavigisami tessani allannguutit aningaasaqarnikkut misissueqqissaarnerup inernerinut qanoq pingaaruteqartiginersut paasinarsisisallugu pingaaruteqarpoq. Ilaasut 2022-mi amerlassusaasa +/- 1.000-inik, 5.000-inik aamma 10.000-inik allanngorneranni inernera qanoq allanngussanersoq, Takussutissiaq -imi takutinneqarpoq. Naatsorsuutigineqartumi tessani ingerlatsinermut missingersuutit kisimik ilaasut amerlassusaasa allanngorneranni sunnerneqartussaapput. Ilimageqarpoq amerlassutsini taakkunani sanaartornermi aningaasaliinerit pisariaqartineqartuaannartussaasut. Takussutissiaq tunngavigalugu takuneqarsinnaavoq, ilaasut amerlassusaanni allannguutit misissueqqissaarnerup inerneranut pingaaruteqartorujussuusut. Taamaattoq periarfissatut ilusiliiani ilaasut +10.000-iuneranniluunniit, maannakkut naliusumut sinneqartoifiulinngilaq.

10. KIFFARTUUNNEQARNISSAMUT ISUMAQATIGISSLIT PILLUGIT IMMIKKUT

10.1 Kiffartuunneqarnissamut isumaqtigisutit

Siusinnerusukkut oqaatigineqartutut eqqaatsissutigineqassaaq, Narsarsuarmi Mittarfinnuit periarfissatut ilusiliiani misissueqqissaarneq, nunap immikkoortuani mittarfiup Narsarsuarmit Qaqortumut nuunneqarnissaanut ataatsimoortumik aalajangiinissamut tunngavissaanngimmat. Aalajangiinissamut tunngavissani ataatsimoortuni aamma Qaqortumi mittarfissamut inuiaqtigiiit aningaasaqarneranni misissueqqissaarneq pineqartunut ilaavoq, aamma ilanngullugit angalanermi aningaasartuutit aamma piffissap angalaffiusup sipaardeqartup nalinga kiisalu Narsarsuarmut-Qaqortumut mittarfimmit annerusumit minnerusumut angallavimmi Kiffartuunneqarnissamut isumaqtigisutinut Namminersorlutik Oqartussat aningaasartuutaasa sipaardeqartussat naatsorsorneqarnerat.

Kujataani Kiffartuunneqarnissamut isumaqtigisutit pillugit sipaarutissat kingulliullugit taaneqartut immikkut soqutigineqarmata aammalu Narsarsuarmi Mittarfiup ingerlanneqarnera assigalugu sipaarutissat Namminersorlutik Oqartussani toqqaannartumik sunnisussaammata, tamatuma kingorna Kiffartuunneqarnissamut isumaqtigisutini sipaarutaasinnaasunut missingersuisoqarpoq:

Taamaalilluni Kiffartuunneqarnissamut isumaqtigisutinut AI18-imut allattukkat pingarnerit Kujataanut imatut isikkoqarput:

Allattukkat pingarnerit	Mio. koruunit
Konto pingarneq	31,2
Qulimiguulimmi immikkut inissat	7,5
Billetsit akiini annikillitsinerit	1,2
Aningaasartuutit ataatsimoorussat	4,8
Kujataa katillugit	44,7

**Takussutissiaq 17: Kiffartuunneqarnissamut isumaqtigisutini sipaarutissat missiliorneqartut.
Najoqutarisaq AI 18, konto 72.20.05**

Kujataani assartuussineq pillugu Kiffartuunneqarnissamut isumaqtigisutinut aningaasartuutit, angallannerup annertussusaata affaannanngornissaa pillugu naatsorsuutigisaqarneq aallaavigalugu 40 %-it missaannik ukiumut 18 mio. koruuninik annertussuseqartunik annikillisinneqarsinnaassasut missiliorneqarpoq. Narsarsuup aamma Qaqortup akornanni mittarfimmit annerusumit minnerusumut angallanneq Kujataani angallannerup affaannaanik annertussuseqarluartoq, angallannerup affaannanngornera angallammik assartuussinermut aamma qulimiguulimmik timmisartuussinermut tapiissutinik pisariaqartitsinermut tamakkiisumik sunniisussaanngilaq. Suli arlalinik aalajangersimasunik aningaasartuuteqartussaavoq matussuserneqartussanik, aammalu angalaviit sinneruttut tassaassapput angalaviit angallaffiuallaanngitsut angallassisartumut annikitsumik isertitaqartitsisartut.

Qaqortumi mittarfiliornermi Kiffartuunneqarnissamut isumaqtigisutini sipaarutissat taamaalilluni Namminersorlutik Oqartussanut missingersuutini aningaasaqarnermut ukiumut 18 mio. koruunit missaannik pitsaasumik sunniisapput, piffissami 2022-2042-imi 252 mio. koruuninik annertussusilimmik NPV-imi naleqarlutik. Sipaarutissat periarfissatut ilusiliiani pingasuni tamaginni assigiissapput, tassami mittarfimmit annerusumit minnerusumut angallanneq periarfissatut ilusiliiani tamaginni atorunnaartussaammat.

11. EQIKKAANEQ

11.1 Qaqortumi nutaamik mittarfiliornermi Narsarsuarmut periarfissatut ilusiliat

Narsarsuarmi mittarfik ullumikkut Kujataani mittarfittut akunniffissatut pingaarutilimmik ingerlavooq. Mittarfiup ingerlanneqarnera ataatsimut katillugu sinneqartoorfiusumik ingerlatsinermi Mittarfeqarfinnut 7,0 mio. koruuninik angusaqartitsisarpoq.

Narsarsuarmi mittarfiup Kujataani qulimiguulinnut mittarfinnut arlalinnut taakkunanngaaniillu Kujataani mittarfimmit annermit minnerusumut timmisartuussinissamik pisariaqartitsisoqarnera naammassisarppa, ilangullugu Qaqortoq, tassunga tassanngaanniillu Kujataani ilaasut affaasa missaat assartorneqartarlutik. Akunniffiusartup Qaqortumi mittarfimmut nutaamut nuunneqarnerani, Kujataani assartuussinermik suliaqarnerup affaata missaa sipaardeqassaaq, tamannalu billetsinut akigititanut, piffissamut angalaffiusumut aamma kiffartuunneqarnissamut isumaqatigiissutinut aningaasartuutinut pitsasumik sunniisussaavoq.

Narsarsuup nunaqarfittut attatiinnarneqarnissaa politikkikkut kissaatigineqarpoq, taamaattumik nalunaarusiami matumani Narsarsuarmi mittarfiup atutiinnarnissaanut periarfissatut ilusiliat pingasut nutaat suliarineqarput. Periarfissatut ilusiliani tamaginni ingerlaavartumik aningaasaliisarnissaq pisariaqartussaavoq aammalu ingerlatsinermi amigartooruteqarfiusussaallutik, Mittarfeqarfinnit naggataatigullu Namminersorlutik Oqartussanit matussuserneqartussanik.

Ullumikkut Narsarsuaq 126-it missaannik inoqarpoq, pingarnerpaalluinnartutigut mittarfimmi aamma takornariartitsisarnermi sulifeqartunik. Narsarsuarmi mittarfiup periarfissatut ilusiliat pingasut taakkua arlaannut annikillisinneqarnerani innuttaasut annertuumik ikilissasut ilimanaateqarpoq. Taamaattumik aamma Narsarsuup aamma Kujataata sinnerata akornanni najukkani timmisartuussinissamik pisariaqartitsineq annikinnerujussuanngortussaavoq.

Aningaasaliineq, ingerlatsinerup inernerera aamma Qaqortumi nutaamik mittarfiliornermut atatillugu Narsarsuarmut periarfissatut ilusiliani pingasuni taakkunani maannakkut naliusoq imatut eqikkarneqarsinnaavoq:

	Periarfissatut ilusiliaq 1: 1.830 m	Periarfissatut ilusiliaq 2: 799 m	Periarfissatut ilusiliaq 3: Qulimiguulik
Aningaasaliineq (mio. koruunit)	114	58	17
2022-imi ingerlatsinerup inerneran (mio. koruunit)	-16	-7	-4
2022-2042 missingersuutini aninaasaqarnikkut angusat tamarmiusut	-483	-234	-102
Aningaasaliinermut ingerlatsinerullu ukiut 20-it ingerlaneran maannakkut naliusoq (mio. koruunit)	-277	-131	-56
Kiffartuunneqarnissamut isumaqatigiissutinut ukiumut tapiissutit sipaardeqartut 2018- mut kisitsisit aallaavigalugit (mio. koruunit)	18	18	18

Takussutissiaq 18: Narsarsuup siunissaanut periarfissatut ilusilianut pingasunut kisitsisitigut paasissutissanik eqikkaaneq

Qaqortumi nunap immikkoortuani nutaamik mittarfiliortoqassappat Takussutissiaq 18-imi takutinnejartutut, aninaasaqarnikkut naliliineq aallaavigalugu Qaqortumut nunaqarfinnut timmisartuussisoqartarluni Narsarsuup qulimiguulinnut mittarfittut annikillisinneqarnissaa naleqqunnerpaajusussaavoq.

11.2 Kujataani maannakkut aammalu nutaamik mittarfiit ilusiligaanerisa aninaasaqarnikkut imminnut sanilliunneqarnerat

Qaqortumi nutaamik mittarfittaarnissaq annertuumik politikkikkut aalajangigaavoq, tassani inuiaqatigiinni, inooqatigiinnermi, inuussutissarsiornermi, attaveqaqatigiinnermi minnerunngitsumillu aninaasaqarnikkut tunngavissat arallit ilaatinneqarlutik. Narsarsuarmi Mittarfimmut aninaasaqarnikkut tunngavissat immikkulliarissut, immikkoortumi siulianiittumi nalunaarusiami matumani paasinarsisinneqarput. Tassunga tapiliullugu matuma kinguliani takussutissami Qaqortumi Mittarfimmut nutaamut aninaasaqarnernut ingerlatsinerullu aammalu Narsarsuarmi Mittarfimmut periarfissatut ilusiliat pingasut taakkua NPV-imi naliusut kiisalu ilaasut angalanermut aninaasartuutinut sipaardissaannut aamma piffissatigut sipaardissaannut nalinginut NPV-imi naliusut ikkunneqarput.

Ileqqorissaarnissaq eqqarsaatigalugu erseqqissarneqassaaq. Aninaasaqarnikkut kisitsisitigut paasissutissat timmisartumik angallannermut suliassaqarfimmi soqtigisaqartunut assigiingitsunut tunngassuteqarmata (MIT, Namminersorlutik Oqartussat aamma angalasut). Aammattaaq mittarfinnut marlunnut taakkununnga NPV-imi naliusunut ingerlatsinermi aninaasaqarnikkut misissueqqissaarnerit aallaavigineqarput, Kiffartuunneqarnissamut isumaqatigiissutini aamma angalanermut aninaasartuutini sipaarutaasussanut NPV-imi naliusut inuiaqatigiit aninaasaqarnerannut tunngassuteqarlutik.

Sillimaffigineqartussat taakkua eqqarsaatigalugit kisitsisitigut paassisutissat takussutissiami matumani eqikkarnissaat siunertaqartoq naliliisoqarpoq:

Kisitsisit tamarmik mio. koruuninngorlugit	Periarfis-satut ilusiliaq 0 Ullumik-kutut, mittarfik 1830 m	Periarfis-satut ilusiliaq 1 Qaqortumi mittarfik 1500 m, Narsarsu-armi mittarfik 1830 m	Periarfis-satut ilusiliaq 2 Qaqortumi mittarfik 1500 m, Narsarsu-armi mittarfik 799 m	Periarfis-satut ilusiliaq 3 Qaqortumi mittarfik 1500 m, Narsarsu-armi qulimiguulinnut mittarfik
Qaqortumi mittarfimmut nutaamut NPV (aninaasallineq amma ingerlatsineq) ⁴	0	-545	-545	-545
Narsarsuarmut NPV (aninaasallineq amma ingerlatsineq)	-31	-277	-131	-56
Qaqortumut amma Narsarsuarmut katillugit aninaasallinermut amma inger-latsinermut NPV	-31	-822	-676	-601
Kiffartuunneqarnissamut isumaqatigiissutinut tapiissutit sipaardeqartut pillugit NPV	0	252	252	252
Angalanermut aninaasartuutinut amma piffissamut angalaffiusumut sipaardeqartunut NPV	0	396	396	396
NPV-mi aninaasaqarnikkut inernerera katillugu	-31	-174	-28	47

Takussutissiaq 19: Maannakkut amma nutaamik mittarfiit ilusiligaanerat imminnut sanilliulligit aninaasallinerut amma ingerlatsinerup inernereranut maannakkut naliusumi takutillugit (mio. koruunit)

Oqaatigineqassaaq Qaqortumi Mittarfimmut nutaamut NPV-imik naatsorsuinermut, suliassap Namminersorlutik Oqartussat 100%-imik nammineq aningasaatinut akiliuteqarnerisigut

⁴ Deloitte: Mittarfinnik annertusaanermi inuaqatigiit aningasaqarnerannut sunniutaasussanik naliersuineq, Alloriarneq 2, April 2018

aningaasalersorneqassasoq naatsorsuutigineqarnera aallaavigineqarmat, tamatumalu kingunerisaanik naatsorsuinermi aningaasaatinut aningaasartuutit ilaatinneqanngimmata.

Kujataani angallannerup ilusiligaaneranut ataatsimoortumik aningaasaqarnikkut misissueqqissaarneq matuma siuliani allassimasoq aallaavigalugu, Qaqortumi 1500 meterimik mittarfittaqaartumik nutaamik mittarfiliorneq aammalu Narsarsuarmi Mittarfiup qulimiguulinnut mittarfimmut annikillisinnejnarnera, imminut akilersinnaanerpaasussaavoq.